

*Discursus Politicus*  
DE  
**INCREMENTIS**  
IMPERIORUM, EORUM-  
QUE AMPLITUDE  
procurandâ.

*CUI INSERTA EST*  
*Dissertatio singularis, De No-*  
*vo Orbe.*

AUCTORE,  
**CHRISTOPHORO BESOLDO, Jcto.**



**ARGENTORATI,**  
Impensis Hæredum LAZARI ZETZNERI.

**Anno M DC XXIII.**



*Discursus Politicus,*  
DE  
**INCREMENTIS**  
IMPERIORUM, EORUMQUE  
amplitudine procurandâ.

CAP. I.

*Amplificationi, seu augmento Rei-  
publicæ operam dan-  
dam esse.*



Imperij Natura, ad Amplificationem suâ sponte incitatur: quia, quò augustius, amplius & potentius, Regnum quodque est; eò firmitus, tutius, & diuturnius habetur. Quodlibet autem, adpetit conservationem sui: dum verò ritè Respublica conservatur, ea sui naturâ augetur, estq; amplificatio, fructus conservationis. Quippè quemadmodum arbores cultura cresunt: ita & Respublica, si rectè administratur. Et usu quoque constat, amplissimis Regni finibus, subditos sub Rege maximo beatius vivere. Sunt namq; e hac ratione, ab injuriis Principum finitimorum tutiores; & bellis civilibus, quæ ab impotenti potentiorum cupiditate oriuntur, vacant plerunque: cùm potentissimi Régis Imperio facillimè coerceantur. Ac quemadmodum sub Rege maximo atque potenti, cui satis superque est, undè cupiditates explere possit, bene vivere licet: ita miserrimum est, angustâ unius Tyrannide concludi; nisi Princeps optimè à naturâ, melius etiam ab optimis artibus imperandi fuerit subornatus. Bodinus, *Lib. 6. de Republ. cap. 4. ad fin. num. 715. & seq.* Hincque vulgò fertur: sub Rege magno vivere, summam esse libertatem.

II. Hincque augendæ, amplificandæque Reipublicæ studium, nunquam est intermittendum: cujus etiam Cæsares nostri, gloriosissimo titulo suo admonentur; cùm Augusti, & propagatores Imperii (als *Lehrer des Reichs*) indigitantur. Herman. Kirchnerus, de Re-

A 2

pub.

*pub. Disp. 15. thes. 1. lit. a.* Eaque de causâ, Palatinus Rheni, in Coronatione Imperatoris dicit : Accipe globum Sphæricum, ut omnes terræ Nationes, Romano Imperio subijcias, & Augustus Gloriosus valeas adpellari. Ioh. Cammam. *Disp. de iurib. Maies. 1. thes. 109.* Et pariter Imperatoris officium proprium esse reputatur : Augere & Recuperare. Imperator Iustinianus, *in proëm. Institut. Clariss. Dn. D. Boer, tract. de Regul. cap. 4. num. 24.* Rectèque assertat Engelbertus Abbas Admon-  
tensis : *de ortu & fine Romani Imperii, cap. 18.* nulli Imperatori unquam licuisse, vel licere, fines Imperij imminuere : quia tunc caderet à nomine & dignitate Augusti ; quod significat, Imperium debere semper augeri, & nunquam minui ; Adeoque Imperatores contrarium facientes, non Augustos, ab augendo ; sed Angustos, ab angustando fines Imperij Romani, posse adpellari. Undè illa, hodieque ulitissima formula, in Edictis, Códicillis, Diplomatis, & Litteris ferè quibuscunque Imperialibus : *Imperator, semper Augustus.* Sunt verò qui putent, Inscriptionem hanc, non facile cū Adverbio *Semper*, ante Hadriani IV. Pontificis Maximi, & Imperatoris Friderici I. tēpore inveniri, eamq; Aulicos consiliarios, ac priscos Iuris Glossatores mutuatos esse, ex Epigraphe Imperatoris Iustiniani istâ : Pius, Felix, Inclytus, Victor, ac Triumphator semper, Augustus. Accursium nempe cum alleclis, perperam τὸ *semper*, junxisse vocabulo Augustus : cū potiùs præcedentibus illis ; Victor, ac Triumphator, sine distinctiunculæ notâ, fuisset connectendum. Videatur Goldastus, Tomo 1. *Constitutionum Imperialium, in rationali, seu notis, ad Litteras Hadriani IV. Pontificis Maximi, & Friderici I. Imperatoris, pag. 65.* qui ait ; Accursianam hanc etymologiam, nostros Interpretes exadificare Pontifices Romanos docuisse, Imperij incubatores. Veruntamen Accursius, ut aliàs nimis sapè, omne præter meritum vapulat, à Criticâ censurâ : ita & eum hac in parte vindicat, ( simulque ipsos Pontifices Goldastianâ impetitione, liberat hâc in parte ) Vir Clarissimus, Dn. Thomas Lanusius, *parerg. 1. subiuncto Dissertationi, de curâ Religioni*, laudans Symmachum, *epist. 30. lib. 2.* ubi nominat Theodosium, semper Augustum. *Et lib. 10. idem*, in titulis plerarumque Epistolarum habet : Dn. Valentiniano, semper Augusto. Dn. Theodosio, semper Augusto. DDnn Theodosio, & Arcadio, semper Augustis. Sic & apud Auctorem Panegyrici, Maximiano, & Constantino Augustis dicti : Maximiane, velis, nolis, semper Auguste. &c. Sed nihilominus certissimum esse videtur, Augustum, primitus non ab augendo, sed ab augurio fuisse denominatum ; Et sic loca quoque religiosa, ac in quibus auguratio quid consecratur, Augusta dicuntur : *ab auctu*, vel ab avium gestu, *augere*. Sueton. *in August. cap. 7.* Undè Ennius :

Augu-

*Augusto augurio postquam incluta condita Roma est.*

Erat vero *augere*, verbum sacrorum : & ita alibi Suetonius ; augeri hostias iussit. Casaubon, in *animadvers. ad Sueton. dist. cap. 7. ibidemq; vide Interpretes alios*. De cognomento item Augusti, Lucius Forus in *calce operis*. Tractatum etiam in Senatu, an quia condidisset Imperium, Romulus vocaretur : sed sanctius & reverentius visum est nomen Augusti : ut scilicet jam tunc, dum colit terras, ipso nomine & titulo consecraretur. Sicque Ovidius i. *Fastorum*.

*Sancta vocant Augusta patres, augusta vocantur*

*Templa Sacerdotum ritè dicata manu.*

Et sic dicitur Augustus; veluti hominis naturâ amplior, Sacro-Sanctus, & Veneratione dignus, Græcis *ἀγιος*, & *αἰσῆτος*, vocatur. Dionys. *Histor. Rom. lib. 53. fol. mibi 507. & alibi* Strabo. addantur quoque Wessening. Mynsing. Borcholt. & reliqui *ad præm. Institur*. Francisc. Duaren. in *Commentar. in 1. part. Pandect. cap. 1.* Sed nihilominus Accursio nostro consentit, auctumque pro incremento sumit Egesippus, qui scribit, in 5. *Belli Iudaici libro*: Augustus, apud Romanos nomen Imperij est, quod augeat suos, non quod opprimat alienos.

## C A P. II.

### De Reipublica interno augmento : inprimis autem, de Aedificiorum splendore.

**L** A Vgetur Respublica; vel internè; vel externè (seu ut alij loqui solent; vel qualitatis, vel quantitatis ratione) quorum illud cum sit, *Melioratio* potius, quam amplificatio nominari debet. *Et internum* quidem *augmentum*; vel naturale est, vel industriale. Naturalis Reipublicæ amplificatio est, ubi prædominatur natura, quamvis industria accedat. Eaque est vel Populi multiplicatio, vel Territorij cultura. Populi multiplicatio, inprimis hic procurari debet. Nam & plerique gentes, quibus curæ fuit Imperij proferre fines; in id summè animum induxerunt, ut hominibus replerent, & popularent civitatem. Idque fit (\*) per civium propagationem: hucque pertinet favor & promotio conubiorum. Hippol. à Collib. in *Principe cap. 21. Ego lib. 1. politic. cap. 10. n. 15. &c.* Sic apud Spartanos, cælibes à virginum nudarum certantium spectaculo arcebantur; bi unâ etiam cogebantur nudis foris obire, & in se compositam occinere cantilenam: honoris item & observantiæ quàm

quam senioribus juvenes præstabant, expertes erant. Apud Romanos eandem ob causam. Lex Julia, de maritandis ordinibus lata est: hæcque uxores ducere, omnes omnino coacti fuerunt; ne orbitas in urbe prævaleret; sed potius ut fortiores Imperij vires, hominum adjectione fierent, & vagi concubitus, impureque libidines reprimerentur. Sed & Educatio hæc in parte plurimum prodest. Aegyptus olim, numero hominum, omnes ferè gentes superavit. Causam autem frequentie hujus, Diodorus Siculus, lib. 1. cap. 3. & 6. hanc adfert; quod filiorum educatio, minimò illis constet; propter victus & a niæ frugalitatem. Huc & Principum liberalitas accedit, quæ multum ad propagationem prodesset solet. Idem Coccejus Nerva, puellas puerosque, natos parentibus egestuosis, sumptu publico alii jussit. Sicque Adrianus, pueris & puellis, quibus etiam Trajanus detulerat alimenta, incrementum liberalitatis adiecit. Spartian. in *Adrian.* Populus etiam multiplicatur, (1) cum alienæ Reipublicæ homines, sese nobis ut aggregent, illiciis variis invitantur. Idque fit; italii vident, in nostrâ Republicâ, summâ curâ, communem foveri libertatem, publicamque salutem. Sic & à Cadmo, per manus acceptum est lus asyli: & Leges item tutelares, quibus peregrinos Romæ fovebant; ut jam olim Athenis, Ephefi, ac Thebis. Præcisque ferè omnibus studium fuit, alienigenas adsciscendi, ascitos receptosque fovendi, honores amplissimos conferendi, privilegia tribuendi, immunitates concedendi. Pluribus item Xenophon, in *prudensissimo Discursu de ratione redituum*, de advenarum curâ agit: huncque proventum, ex optimis esse ait. Quippè cum illi seipfos alant, & multis commodis adficiant civitatem; non tamen ulla accipiunt mercedem, sed potius etiam pensionem offerunt, advenis impositam. &c. ubi & alia hæc de re subiunguntur. Ad Territorij autem culturam refero, cum sterilia loca, fructuosa redduntur, & si quæ sunt similes rationes, quibus ingenium excolitur soli. Ego, in *Discursu de Aerario*, cap. 3. num. 5. Meritoque alicubi conqueritur Bodinus; quod deserta & inculta Galliæ loca, si aquas & vias adjungamus, duos auferant totius Regni trientes: quodque grandium arborum tanta inopia sit, ut ad navium ac ædificiorum fabricam, ex peregrinis regionibus trabes conquirendæ sint, quodque arbores fructifera, antè cædantur, quam fructum pecoribus utilem, proferre possint. Plurimum item ligni incremento nocet, copia ferarum, quodque sylvæ succisæ in pascua convertuntur.

II. Industriale Reipublicæ augmentum, tum in Reipublicæ altitudine ac dignitate; tum in facultatum ac opum, tam publicarum, quam privatarum copiâ consistit. Quid etiam pertinent Admiranda ædificiorum: quæ ferè magnitudinem Reipublicæ sequuntur; & idem

maxu-

maximè diligentia sunt procuranda. Et ita Augustus, moribundus gloriabatur, se è lateritià marmoream fecisse urbem. Ejusque rei, veteres Germani, negligentiores cùm fuissent: Tacitus de moribus Germanorum, Carolus Magnus, Henricus Auceps, Ottomes & alij, ed incubuerunt, ut Germaniam è cespitibus vetustis, erigerent in splendorem Imperio dignum: eaque nunc, testibus etiam exteris, cæteras ferè omnes gentes, urbium magnitudine, multitudine & elegantia superare videtur. Aeneas Sylvius in Epist. ad Mejer. Sicque Israëliti Imperij magnitudo, ex eo colligi potest; quod Salomoni fuerunt septuaginta millia eorum, qui onera portabant, & octoginta millia latomorum in monte: abique præpositis, qui prærant singulis operibus, numero trium millium, & trecentorum. 3. Regum, cap. 5. Sic & Pyramidum miracula, magnitudinem adhuc monstrant Imperij, quod olim Aegyptij habuerunt. Et nec magnitudinem solum, sed & ingenium populi illius testantur. Scriptum enim deijs invenimus, nullas eas jacere umbras: unde Aufonius in Mosellà:

— Cui quadrato ad fastigia cono

Surgit, & ipsa suæ consumit Pyramis umbras.

Fastigio nempe spacium basis exæquant; adeo ut umbra hæreat intus, quando maxumè Sol radios suos sublimis demittit: quod ingeniosè explicat, & etiam διαγράμμα οὐλοῦντων proponit, Ioachimus Camerarius, quæst. promiscuar. decur. 9. problem. 7. & extat in Tom. 4. Thesauri Critici, Dn. Gruteri. Formam quoque & molem, quales adhuc visuntur, videre licet apud Iohannem Hesselrich in seiner Kayß auß Benedt nach Hierusalem: qui tertie Pyramidis anfractus internos varios, mirisque graphicè, & testis oculatus describit. Ut & Sr. de Villamont, ac Petrus Bellonus, observat. lib. 2. cap. 42. & seqq. ubi ad earum splendorem & superbiam, Romanorum fabricas, & opera antiqua, nihil accedere ait. Harum item Pyramidum Historiam, Herodotus, Diodorus, Plinius, Strabo, Mela, Ammianus Marcellinus, & multi alij produnt. Referuntur etiam inter celebria miracula mundi, quorum adhuc sex alia vulgè enumerantur. (1) Babylonica nempe muri, de quibus Diodorus Siculus, Plinius, Curtius, Strabo & Orosius. (2) Colossus Rhodi, supra portum positus, ex æreque magno artificio conflatus; quem Plinius & Orosius describunt; ac propter quem Rhodij Colossenses dicti, cuiusque fragmenta demum Anno Christi 650. tempore Martini I. Pontificis Maximi à Saracenis avecta fuerunt, Platinà, & Sabellico testibus. (3) Mausoleum, Carie Regis Sepulchrum. Herodotus, Strabo, Plinius, Mela, Agellius. (4) Ephesie Dianæ Templum. Plinius, Solinus. (5) Aegyptiaca pharus. Iulius Cæsar, Plinius, Ammianus Marcellinus. (6) Olym-

pijlo-

ornatum, Templorum Majestatem; amplitudinem fororum; Balnearum & Thermarum, in modum provinciarum (ut loquitur alicubi Ammianus) ædificiorum sumptuositatem; artificium statuarum; viarum & pontium munitiones; ac etiam miracula cloacarum, graphicè admodum depingit. Præcipuè autem Romani (qui admirandam industriam suam ubique demonstrarunt) ex aquis maxumè mira præstitisse, Plinius testabatur, *lib. 36. cap. 15.* hisce verbis: Si quis diligentius æstimaverit aquarum abundantiam, in publico, balneis, piscinis, domibus, enripis, hortis, suburbanis, villis, spatioque advenientis extractos arcus, montes perfollos, convalles æquatas; fatebitur nil magis admirandum esse in toto terrarum orbe. adde Jacob. Chiffletium, *Vesontionis, part. 1. cap. 32.* Magnitudinem Hispanici Imperij (quod nunc Monarchiam dicitur adfectare) testatur maxumè Escorialæ, quod Octavum mundi miraculum vocitant Iberi: eminens inter omnia ea, quæ nostro seculo merentur admirationem. vid. la premiere Continuation, de Mercure Francois, *fol. mibi 462.* & Petri Bertij Geographicas Tabulas. Regia verè moles; in quam Philippum II. ducentes centena millia coronatorum, sive viginti auri milliones insumpsisse ferunt. Post Petrum Matthæum, in *Historia Henrici IV. lib. 1. narrat. 4.* Clarissimus Dn. Lanfius, *Orat. pro Hispaniâ, fol. 205.* Nil illic ad summam perfectionem, peritissimi artifices requirant: materiâ inibi rarius nil, & ne Vitruvius quidem Architecturam dederit exactiorem. Magnitudinis etiam tantæ est, ut vel hospitium præbuerit quatuor Regibus simul. Hortorum nitore, fontium amoenitati, umbraculis sylvarum, ne ipsa se comparaverit Antiochiæ Daphnæ. Sed verò non semper ex aspectu urbis & ædificiorum, de ejus potentiâ judicandum est. Nam & de Lacedæmonibus Thucydides *lib. 1. à princ.* scribit: si eorum urbs desolaretur, Templis solum, & ædificiorum arcibus relictis, incredibilem posteris, post longius elapsum tempus, eorum potentiam gloriamque fore; cum ea urbs, neque tectis frequens, neque Templis & ædificijs sumptuosis exornata sit; verum antiquo Græciæ more, vicatim fuerat habitata, imparque fama sua visa. Sin autem idem eveniat in Atheniensium urbem; duplò majorem quàm est reverà, eorum potentiam, urbis faciem intuenti apparituram. Turcæ item ab ædificationis magnificentiâ abhorrent; quod superbi, eoque neque se suo modulo metientis animi esse judicant, magnificis ædibus studere: ut si quis sibi immortalitatem, & perpetuam mansuetudinem, in hac vitâ polliceatur. Domibus ita utuntur, ut diversorij peregrinantes: in quibus si sint à latronibus, à frigore, à Sole, ab imbre tuti, reliquas opportunitates non requirunt. Itaque non facillè, cotà Turciâ, quamvis magni, quamvis divitis viri, non paulò elegantius aliquod ædificium



ficiū reperire licet; vulgò tugeria & caſæ habitantur, magnates hortis & balneis ſtudent, & ut pro multitudine familiæ, laxas habeant ædes: cæterum ibi nec porticus luculenta, nec atrium viſendum, nec aliud quicquam magnificum, aut admirandum adparet. *Busbequius, epiſt. 1. fol. mibi 9. b. ſed conſiſtit magnitudo imperij Turcici, in vaſtatione & ruinâ nationum.*

IV. Latus ſe hic aperit campus, in quo de operum ac ædificiorum, tum publicorum, tum etiam privatorum magnificentiâ ac elegantia procurandâ, diſcurrere liceret: cuius rei quoque rationem Iuriſprudentia noſtra habet. *tot. tit. Cod. de ædific. privat. & ſimilit.* Res & opera expromenda in primis eſt, in publicis operibus, vetuſtate, & temporum iniuriâ lapſis inſtaurandis. Neccarent invidiæ ſuſpicionem, qui antiqua ædificia deceſſorum, per quæ nomen ſuum æternitati conſecrare voluerāt, & ſarta teſta non tuentur. *Ioh. à Chokier, aphoriſm. polit. lib. 5. cap. 16. fol. 273.* Ita Veſpaſianus, reſtitutionem Capitolij aggreſſus, ruderibus purgandis, manus primus admovit, ac ſuo collo quædam extulit: plurimas per totum orbem civitates, terræ motu, aut incendio afflictas, in melius reſtituit. *Sueton. cap. 8. & 17.* Et commendatur moſteſtia Septimij Severi, qui Romæ omnes ædes publicas, quæ vitio temporum labebantur, reſtauravit; nuſquam propè ſuo nomine adſcripto, ſervatis tamen vbique tkulis conditorum. *Spartianus.* Quod & de Alexandro Severo *Lampridius* teſtatur. Magnanimum Principem decet, ſiſtere ruinas, ſolitudinem pellere, ingentia opera, eodem quo extructa ſunt animo, ab interitu vindicare; muta quidem illa, & animâ carentia, ſentire tamen & lætari videntur, quod niteant, quod frequententur. Et debent publica ædificia, in primis magnificè ornari. Ita Traianus, licet parcus in ædificando privatim; publicè tamen magnificus fuit: hinc porticus, indè delubra: *Plinius in Panegy.* tot quoque & tanta locis opportunis extruxit, ut orbem terrarum, teſte *Eutropio*, ædificaffe videatur. *Culpan* di tamen ſunt, qui tanto ædificandi deſiderio tenentur, ut nunquam non ædificiis adijciant ædificia, omnemque operam & curam, in architecturâ magis, quam in πολιτῆματι ponant. Vani proſus; & neſcij, immoderatum ſtudium hocce, vulgo peringratum eſſe: cui demum is probatur, qui ſuæ pecuniæ parcus, publicæ avarus, effrenatam illam ædificandi cupiditatem (quæ ædificando non tollitur) coercet. *Chokier dict. loc. fol. 272.* Abſonumque eſt, famam immortalem ſumptuoſis ſubſtructionibus acquirere velle, *Loys Guyon, rom. 1. des. diverſes leçons, lib. 4. cap. 23.* Si non pietati, vel publicæ utilitati conducant. *Guyon, ibid. cap. 24.* Sicque publicas quod attinet ſtructuræ, illud omninò monendum eſt; opera Reipublicæ non inutilia eſſe oportere; ne ſcilicet plus onerent,

rent, quam ornent; neque reprehensionem potius, quam laudem mereantur; ac magna potius quam necessaria, & utilia censeantur. Ubi Plinius, *lib. 36. cap. 12.* suum de Pyramidibus repeteret iudicium: Otiosam, & stultam pecuniæ ostentationem esse. Vel Hieronyma Colonna, reiterare quiret, quod illa de quodam ædificio Nobilis cuiusdam Neapolitani (sumptus & amplitudine maxumè conspicuo, sed proportionem & ordine carente) olim dixit: *che come sarà finita, rappresenterà due cose; cioè, troppi danari, e'l poco giudicio del padrone*: Indicare plus nummorum, quam iudicij ædificantem habere. Fuggilozio d. Tomaso costo. *giornata 7. fol. mihi 48*; Laudanda est in Principe, æternitatis, perpetuæque famæ cupido, si non sit inconsulta: quam in Nerone, meritò Suetonius culpavit. *cap. 55.* Vani & impij sunt Imperantes, qui, ut posteris sui memoriani relinquant, esutire faciunt suæ fidei & tutelæ concreditos à Deo; defraudantes propriam naturam suam, & suorum, ut habeant quo pascant oculos aliorum. Quia lapis de pariete clamabit, & lignum quod inter iuncturas ædificiorum est, respondebit: Væ qui ædificat Civitatem in sanguinibus, & præparat urbem in iniquitate. Habacuc *cap. 2. vers. 11. &c.* Sic & Giphanius, in *vita Iustini Imperatoris, ad finem*, scribit: eum excusari vix posse, quod tot operibus, toto orbe moliendis, & ædificandis, tantum pecuniæ absumpserit vim, atque planè exhausterit Fiscum. Nec gratæ sunt Deo, licet ipsi dicatæ Basilicæ; nisi quas suâ quis pecuniâ, aut benè partâ ædificârit; & simul vitæ suæ actiones, vacuas à sceleris labe, tanquam hostiam Deo offeret. Evagrius, *lib. 4. cap. 29.* Nihil Deo gratum est, quod non idem sit iustum. Quâ ratione autem, in operum publicorum exstructione, etiam subditorum commodum promoveri queat: egregiè Bodinus docet. *lib. 6. cap. 2. num. 670. &c.* Si nempe egenati simul, & ignaviæ occurratur, inertia è civitate expellatur, officina condiscantur, tenues sublevantur, otiosi exerceantur, urbes exornentur, morbi arceantur. Hinc illæ Pyramides, quæ à Regibus Ægyptiorum, ne plebs otio & ignaviâ langueret, exstructæ feruntur. Magna sæculi nostri labes est, quod pauperes non publico sumptu conducuntur, ac ad vtilia opera adiguntur: quod scilicet alantur, & ne vagando laborare defuescant. Veneti quatuor circiter millia, operibus publicis assidue exercent ac foveant; quo nil aut plebi utilius, aut civitati commodius, aut vniuersis iucundius fieri potest: quod præter opera publica, civitati necessaria, etiam publicas opes tenuibus alendis, summâ benignitate largiuntur. Imitatus item est hocce Christophorus, laudatissimus Württembergæ Dux, ut commemorat Balthasar Bidembachius, in *vita eiusdem Germanicè descripta*: & vide meum *Ærarium, cap. 2. num. 1. §. 5.*

V. Magistratus omnibus modis, in pectora suorum subditorum,

B 2. conden-

condendorum ædificiorum amorem implanter Nec enim solum publicis operibus, urbis ornatus adscribi debet; sed & privatorum exultissima ad eandem illustrant. Quamvis enim & hic certus sit modus adhibendus, Dn. Michael Piccart, *Decad. 11. cap. 4.* Et tamen hac ratione subditi invitabuntur, vt libenter eo in loco, quo aliquid condiderunt, maneant, & sese multiplicent; atque adeo etiam locum istum, in quo ædificauerunt, excolant laboriosè, & defendant masculè. Bartholomæus Keckerman, *politic. lib. 1. cap. 19. ad fin. fol. 322.* Sunt quoque Ediles, vel Architecti constituendi, non solum publica qui extruant opera, sed & consilio qui iuvent privatos: hoc enim modo Symmetria (unicum Urbis decus, haut facile negligitur, opificum callidæ frustrantur machinationes, sumptusque inanes minuuntur. Verum campestrium structurarum magnificentia & ornatus, non facilè ferendus est. *Könlliche Lusthäuser* / *auss dem Geldt.* Sicque de Florentinis Boterus; *I. Florentini*, per *riscuotere le ruine di quelle tante loro fabbriche, hanno spesso volte fatti accordi indignissimi.* Est autem in ædificiis urbanis, maxima habenda ratio incendiorum. Et ita, cum præteritis seculis, Velsontioni, ædificia plurima è ligno essent, frequentissima incendia erant. Itaque edictio Gubernatorum sanctum fuit, vt quæcunque restaurarentur, aut de novo ædificia excitarentur, ex quadrato lapide fierent; quod præter utilitatem, maxumam civitati venustatem conciliavit. Chiffletius, *part. 2. Velsontionis, cap. 70. ad fin.* Quod si commoditas lapidinarum alicubi deest, sufficit, si parietes intercalares, lapide consent. Wann man gemauerte feurwände machet.

VI. Reliqua, ad Urbium, & Imperiorum interna incrementa, quæ spectant; ex Boteri, & Hippolyti Collibus, tractatibus hac de re singularibus, peti possunt. Et nempe multum hic urbibus conducit aeris salubritas, soli ubertas; si eas alluat flumen, lacus, vel mare; si sint ad vias Regias, vel ad imperij fines sitæ, si Thermarum habeant opportunitatem; si vicinas habeant Metallum fodinas. Urbes ita comparatas commendant, & frequentes ac famosas, adhuc magis reddunt, munitiones, Academiae, Collegia, vel Bibliothecæ; (Sicque præmium obsidionis fortiter exantlatæ Lugdunum Batavorum, Academiam tulit; & ex Academiis magna emolumenta civibus obvenire solent, Dn. D. Lanfius, *de Academiis, sub lit. i. fol. 38.*) Magnorum Principum Aulae, vel Dicasteria summa (quemadmodum Tubinga nostra sola fidelis Domino suo, cum ceteræ defecissent omnes; inter alia obtinuit; vt ibi Iudicium dijudicandis Causis Appellationum destinaretur, das Fürstliche Hofgericht / semper habeatur, Crusius *in Annalibus*) Nobilium & Mercatorum frequentia, opificum omnis generis magna copia, facilis receptus peregrinorum; Cura diligens Annona; & optimè constituta politia, &c.

VII. Sanè

VII. Sanè non ubivis magnæ extrui urbes possunt:caussamque magnitudinis Urbium;& cur non æquè in omnibus locis, magnæ inveniantur urbes? indagat Cardanus, *de subtilitate, lib. 11. fol. mibi 631. &c.* ubi ita scribit: Sub polis civitates esse populosas, impossibile est; quoniam sterilis est terra, & incommoda vectio frugum: quamobrem aut palantes vivere necesse est, aut in parvis villis. Qui verò temperatam incolunt regionem, mediocres habent urbes; nam commodius fruges in eas avehūt, & melius ac tutius in his, quàm in villis versantur; nam multitudine hominum, & muris sunt firmiores, artesque sibi invicem melius auxilio esse possunt. At in fervidis regionibus, maximas Civitates esse necesse est: primum quòd soli pars aut sterilis est, si aquis careat; aut fertilissima, si abundet. Alia potentior est causa, quòd cum procul veniant merces, & per loca deserta, periculosaque; necesse est, ut simul plures veniant mercatores, ac in modum agminis, ob securitatem. Quare cum in aliquam urbem posuissent sedem, incommodum nimis esset eam societatem vagari; unde melius, & longè facilius est, vicinos omnes in eum locum confluere; quod cum multis perseverat annis, contigit etiam è parvo pago, urbem populosissimam reddi. Tales igitur sunt Quisnai, Singui, Cambala, & Cairum, quam Civitatem Gchoar Illyricus servus Elcaim, Mahumetanorum Pontificis, in Aegypto ædificavit, securitatis causa, vocavitq; nomine Domini sui Elcaira, hoc est, Civitas Elcaimi: indeque corrupto vocabulo Cairum adhuc nominatur. Et idem Cardanus paulò post addit. In aquà civitatem æternam colloendam esse: ac nec in omni aquà, sed quæ brevibus & vadis abundet. Solam denique Civitatem, in quà Lex imperat, non homines, & corpora hominum, militari robore exercitata, situsque tum salubris, tum tutus, & aditu facilis, æternà in libertate manere, id est, diuturna esse potest. Talemque Cardanus ait, conditionem esse Venetiarum, quamobrem eam urbem, vel solum, vel maxumè liberam urbem adpellari mereri.

C A P V T I I I.

De Amplificatione, seu Externo  
Incremento.

EXternè Rempublicam augeri dicimus, cum territorio aliud territorium accedit. Et est sanè omnibus Principibus, Imperantibusque aliis innatum, ut dominia extendere nitantur. Richter, *axiom Oeconom.* 203. Hæcque cupiditas, eò usque se ferè offert, ut nec profundi maris gurgitibus, nec excelsorum montium cacuminibus, nec vastis solitudi-

nibus, nec Europæ, Asiæ, atque Africæ limitibus, nec cognati sanguinis Legibus, aut vinculis definiri, atque coerceri possit. Hominum animis (ut alicubi Pausanias scribit) cum alia quæ insunt, tum maxime luxuri cupiditas quasi vim adfert; incitans ad malè agendum. Cui humanus, (ut ait Antonius Peretz, *aphorism. fol. 271.*) non unum accipitrem satiare; eius verò cupiditatibus, nec totus Mundus sufficere videtur. Una & ea vetus bellandi causa est, libido Imperij & divitiarum. Ingenue Barbarus ille apud Tacitum: *Annal. 15.* Id in summâ fortunâ æquius, quod validius; & sua retinere privata domus, de alienis certare, Regia laus habetur. Ad bellumque movendum, plerumque non queritur Iustitia, sed occasio tantum opportuna. Etiam utcumque operose Romanos Albericus Gentilis defendat, in libro 2. de *Armis Romanis*, Verissimum tamen illud Salustij est; Romanis cum nationibus, populis Regibus cunctis, unam & veterem causam bellandi fuisse, Imperij cupidinem profundâ, & divitiarum. Attamen plerumque iustæ causæ prætexuntur. Ac Attila, qui causas bellorum nullas sectabatur, odium meritis omnium fuit. Inde ipsi etiam Turcæ quarunt belli causas speciosas. Albericus Gentilis, lib. 1. de iure belli, cap. 7. Vereque Thomas Morus:

*Regibus ex multis Regnum cui sufficit unum,*

*Vix Rex unus erit.*

*Regibus è multis, Regnum bene qui regat unum,*

*Vix tamen unus erit.*

Sed tamen, meliores ut reddantur, non ut amplificentur ditiones, accurandum est magis; internumque augmentum, præponderat sui naturæ externo. *Ragguagl. d. Parnass. cent. 3. cap. 10.* Nam & difficilior est, tueri & conservare Imperium, quam illud amplificare. Botero, 1. dell. *ragion. d. stato sol. mihi 5.* Latherus de *censu, lib. 3. cap. 8. num. 19. &c.* In turbas & discordias pessimo cuique, maxuma vis: pax & quies, indigent artibus bonis. Difficilior est, dicente Floro, provincias obtinere, quam facere: viribus parantur, iure retinentur. Et Livius, alicubi, excellentibus ingeniis, citius desueritars. quâ civem regant, quam quâ superent hostem. Ac si quis Princeps reverâ quod alij queritant, assequi cupit; bonus potius, quam magnus dici laboret. Fundi nostri calamitas, ex eo est, quod parvipendimus, vel negligimus ea quæ habemus, & nimium æstimamus ac adpetimus aliena. La Noue. *Discurs. 7.* Ambitio laudabilis & optima est; bene gubernare provincias suas, non cum sanguine & periculo, occupare ea, quæ sunt aliorum. Sicque Magna ibus Boccalini suadet, 2. *ragl. 6. che la superchia ambition loro, sfogassero nel far acquisto della segnalata gloria diben governar i popoli, che l'iddio ha conceduti loro, non con l'emptio mezzo de gl' incendi, delle rapine, & dell' effusion di sopra grande di sangue humano, affettar gli stati altrui.* 2. Suade

II. Suadet hoc honestas; eo enim animo, alienum invadere Imperium, quod dominatio auctior fiat; aliud nil est, quam publicum latrocinium profiteri. Quod olim Demetrius Pirata, Alexandro Magno objecit probrum: utpote qui lubricine tantum, quietos populos, & a notitiâ quoque suis sepositos, scrutatus est, belloque vexavit. Locum vel maximum habere hic debet illud; Honestè id demum quemque posse, quod iure & dignitate salvâ potest, l. 125. vbi Gæddæus, *Dig. de verb. significat.* Ergo iniqua sunt Arma, quibus Ambitio & Avaritia sunt causæ. Iohannes Gerhardi, *centur. quæstion. politicar. decad. 7. quæst. 7.* adde Parthenij Litigiosi Auctorem, *lib. 1. cap. 7. per Discursum.* Vim namque inferre, ipsâ naturâ iniustum est, Vasquius, *1. illustrium, cap. 10. num. 4.* Et duo mala in Rempublicam tales Bellatores invehere solent (1) quoddam committunt contra Legem Divinam, alterum occidentes, & alienum usurpantes. (2) & quoddam populum proprium, quem custodiendum accepere, mortis periculis temerè exponunt. Gregorius Tholosanus, *11. de Republicâ, cap. 1. num. 9.* Et ita Magistratus bellum ac pacem, non ad suam gloriam vel commodum; sed ad Reipublicæ utilitatem dirigere debet, Otho Casiman. *visa politic. cap. 36. fol. 191. num. 2. & 3.* Optime Isocrates ad Nicoclem. Bellicosus esto, scientiâ rei-militaris, & apparatus pacificus, nihil præter ius & æquum vindicando. Erga Civitates imbecilliores talem te præbe, quales in te potentiores esse velles. Ex Iureq; Gentium omnino corrupto, contra Melios, argumentantur Athenienses, cum apud Thucydidem, *lib. 1. aiunt:* Sic inter homines esse comparatum, ut æquis quidem viribus instructi, de iure disceptent; valentiores autem, quæ fieri possunt, iniungant, & inferiores non detrectent. *11. ibid. in adnotat.* Illustrem Enenckelium, *fol. mihi 617.* Remota lustritiâ, quid sunt Regna, nisi latrocinia magna? Quin & ipsa latrocinia, quid sunt, nisi parva Regna? Beatus Augustinus, *4. de Civitate Dei, cap. 4.* Madet orbis mutuo sanguine, & homicidium cum admittunt singuli, crimen est: Virtus vocatur, cum publicè geritur. Impunitatem sceleribus acquirit, non innocentiae ratio, sed savitiæ magnitudo. Sanctus Cyprianus, ad Donatum. Hæc etiam causâ est, quoddam Imperia magna, tandem omnia evertuntur, miserrimèque perire solent. *In salubre regla es, el que roma à otro lo ageno, pierda el derecho que tiene à lo suyo proprio. Esto es injusto in yzio de los Dioses, que pues ellos hizieron mal à muchos, alguno les haga mal à ellos.* Marco Aurelio, d. Guevara, *cap. 11.*

III. Falsus est Aristoteles, qui *lib. 1. politicor. cap. 5.* huiusmodi Bellum, naturâ esse iustum pronuntiat; quod suscipitur eos in homines, qui cum sint ad parendum nati, Imperium recusant: Dn. Iohannes Brunningh, Amicus meus, in *Dissertatione eruditissimâ de homagio, t. 1. b. 1. 141.* quod



quod tamen Iustus Lipsius *lib. 5. politicor. cap. 4.* tum demum concedere videtur, si potentes ij, & aliena ipsi invaserunt, aut invadunt; cum secundum Beatum Augustinum, *epist. 5.* utiliter vincatur, cui eripitur licentia iniquitatis. Ut nec solius Religionis propagandæ ergo, Bella sunt suscipiendæ: licet id velit Tiberius Decianus, *præxi. Criminali. lib. 5. c. 62. fol. mihi 378.* Fides quippè, ut rectè alicubi inquit Sanctus Thomas; nõ tollit lus Naturæ, aut humanum; ex quo dominia sunt profecta, quodq; vult, ut homo homini non infidetur. Bellum est contra Charitatem; Ergo non aptum esse videtur medium Religionis, quæ Charitatem imprimis intendit. Non bello, sed pœnitentiæ prædicatione, viam nostro Salvatore præparavit Sanctus Iohannes Baptista. Et felici magis successu, in India Orientali Christianam propagant Religionem Iesuitæ, prædicando & patiendõ, quàm factum fuit in Occidentali armis, multorumque hominum internecione. Et quoque color ille, redigendi invitas gentes, ad mores humaniores, ad veramque Religionem compellendi; à Theologis ferè cunctis, etiam Hispanis, impius atque improbus reputatur. vid. hæc de re Beatum Thomam, *2. 2. quæst. 10. art. 8. & 11.* Valent. Wigel. *de vita Christi, cap. 14.* Herm. Latrattum, *de instauranda Relig. lib. 2. cap. 13.* post Hostiensem, & Panormitanum, Fridericum Tilemænum, *Disp. ad Pandect. 1. thes. 16. vol. 1.* Covarruviam, *in cap. peccatum, §. 10.* Ferdinandum Vasquium, *in præfat. controversiar. illustr. num. 5.* Marquardum de Sufanis, *tract. de Usur. &c. part. 1. cap. 14.* Albericum Gentilem, *i. de iur. belli, cap. 9. & 12.* Heigium, *part. 1. quæst. 12. num. 47.* Hugonis Grotii *tractatum, Mare Liberum inscriptum, cap. 2.* Dn. Bocerum, *de iure Belli, lib. 1. cap. 6.* Dn. Bruningh. *de bomag. thes. 118. & multis seqq.*

IV. Sed hæc tamen restrictionem patiuntur, si infideles Christianos offendant; vel etiam detineant provincias eas, quæ olim ad Christianorû Principum Iurisdictionem pertinebant, *can. dispar. caus. 23. quæst. 8.* Sicque defendi possunt expeditiones illæ Hierosolymitanæ: licet eas, ut stultissimi classici, ita tristissimi eventus fuisse, dicat Iohannes Canmānus, *Disp. de Iurib. Mareß. 3. thes. 22.* ac illis bellis, etiam iniquior esse videatur Elienne Pasquier, *5. des Recherches, cap. 21.* Sanè iam eo tempore, quo susceptum & gestum bellum illud sacrum fuit, diversa de eo diversorum indicia fuerunt; quod non dissimulant Tyrius & Urspergensis. vid. Reineri Reineccij præfationem in *Historia Orientali præfixam.* Fa-teor equidem, multa ibi errata fuisse commissa, impietatemque & amulationem ex nostratibus nonnullorum, res ibi turbasse, & tandem ever-tisse. Veruntamen, Bella hæc, suasa fuerunt à Viris Sanctis, ab ipsoque etiam Bernhardo: ut refert Cardinalis Bellarminus, *lib. 3. de Pontif. cap. 17. fol. mihi 296. col. 2.* Videbant enim Christianos bello carere non posse; maluerunt

maluerunt idē ea geri contra infideles, & per illa fideles liberari. Fuerunt item expeditiones illæ miraculis multis adprobata: quæ Guilielmus Tyrius, *de Bello Sacro*, lib. 6. & Paulus Æmilius, *histor. Francica*, lib. 4. habent. Fuitque tandem bellum hoc, fortissimè susceptum, & singulari exemplo constantiæ, fortitudinis, pietatis, Religionis, Zeligue verè Christiani, duodecim expeditionibus maximis, iteratum & repetitum: ab Anno Christi *MXCI* v. usque ad Annum *MCCXCI*. nec vllum simile in Historiis reperitur. Expeditio nempe prima fuit, millium aliquot Christianorum; qui vltro nomen huius militiæ dederunt: Duce Petro Eremità. Anno Christi *MXCV*. Secunda expeditio, suscepta fuit Ducibus Volcomaro, & Sodescharo sacerdotibus. Anno eodem (3) in Asiam; Ducibus Goghofredo Bullionio, & Balduino; Equitibus 100000. & peditibus 300000. Anno Christi *MXCVI*. (4) Guilielmi Pictorum Ducis: qui cum 100000. hominum, sacram militiam suscepit. Anno Christi *MCI*. (5) Expeditio ingens, Conradi III. Imperatoris, Ludovici Regis Francorum, Friderici Sueviæ, & Welfonis Baviaræ Ducum. Anno Christi *MCXLVII*. (6) Friderici Barbarossæ Imperatoris, Philippi Francorum, & Richardi Angliæ Regis. Anno Christi *MCLXXXIX*. (7) Regum Galliæ, & Angliæ, Anno Christi *MCXCI*. (8) Henrici, Filij Friderici Barbarossæ. Anno Christi *MCXCVIII*. (9) Expeditio, quam Honorius III. Pontifex Maximus procuravit. Anno Christi *MCCXXII*. (10) Friderici II. Imperatoris Anno Christi *MCCXXVIII*. (11) Ludovici Galliarum Regis, cum suis Fratribus, Roberto & Carolo. Anno Christi *MCCXLVII*. (12) Ludovici Regis, in Africam, contra Saracenos, Anno Christi *MCCLXX*.

V. Sed quid ex hæcenus deductis, de occupatione Indiæ utriusque ab Hispanis, seculo superiori facta, sentiendum erit? Sanè Petrus Matthæus, lib. 1. *del' hist. de France*, narrat. 4. scribit, Hispanos auri magis cupiditate, quàm Religionis propagandæ ergò Indias indagasse; eiusque divitiis (quas ad oppugnandum Turcam convertere debuissent) in Europâ, non utiliter expendisse. *Dieu, inquit, a saisi des Indes, ce que les peres font des filles laides. Il les a dotées de grandes & infinies richesses à fin qu'elles trouvaissent plustost mary. Les Espagnols, & les Portugais n'eussent entrepris ces grandes & perilleuses navigations, s'il n'y eut eu non plus d'or qu'aux deserts de Lybie. Tout ce qui en est venu, s'est employé inutilement en l'Europe. La splendeur del'or, qui avoit donné la lumiere del'Evangile aux Indiens, devoit servir pour le remettre, aux lieux, ou l'Alcoran l'en a chassé.* Rei etiam ambitionis, & communis Gentium Iuris violati, ex eo vulgò aguntur Hispani; quòd Indiam utramque sibi vendicant solis; ab Indianisque commercijs, Anglos & Batavos prohibere attentant.



attendant. Vide supra laudatum Grotij Tractatum, cui Titulus *Mare Liberum*, & facit l. *deprecario*, ff. *ad leg. Rhod. de jactu*. Et quod nonnulli, Ius aliquod ex Pontificia donationis titulo prætendunt; ad id argumentum, tam diu est, quod Attabaliba Rex Peruanus, sufficientem docuisse videtur responsionem. Qui, cum Vincentius de valle viridi, Dominicanus Monachus, eodem prætextu Imperatori Carolo V. Indiarum afferebat Monarchiam; Pontificem insigniter satum, & impudentem esse, ex eo facile prodi, ~~regebat~~; quod aliena tam liberaliter largiretur. Hieronymus Benzo, *Histor. India Occidentalis*, lib. 3. cap. 31. & recessui ego 1. *politicor.* cap. 2. num. 18. & seq. Porro crudelitatis inhumanæ, Hispani accusantur: extatque de crudelitate Hispanorum, in Indianos adhibitâ, Tractatus singularis, Bartholomæi de la Casa, Episcopi: ubi sub finem hæc habentur. Rubore suffundi deberemus, quod omni Timore Dei remoto, tam execrandis facinoribus, colorem addere, & ea excusare tentemus; cum præcipuè cernamus, nos Hispanos, quadraginta octo Annorum spacio, regiones maioris longitudinis, quam sit tota Europa, & pars Asia, ob hanc causam, ut divitias consequeremur, destruxisse: eas terras deprædantes, & omni crudelitate, iniustitiâ, & Tyrannide occupantes & usurpantes; quas humanis habitatoribus & incolis, refertas vidimus, & in iis ultra viginti hominum milliones perisse certò scimus. &c. add. Simon Goulart, tom. 3. d. *histoir. admirables*, fol. mibi 44. & seqq. Mendacij quidem in multis convincere satagit Casanum Auctor nuperus des Hermen Blasens, fol. 78. &c. Sed tamen Levinus Appollonius, *Historia Peruviana*, lib. 4. à princ. refert, Hispanos longâ quadam maiorum usitatione, durum & immite in devictos, subiugatosque Barbarici nominis hostes, hominum genus, quâ Mauros, Numidasque tractare solent; ad Occidentem rerum potiti, eandem duritiem atque inhumanitatem, ubique in novi Orbis indigenas exercuisse: atque idem licentiæ ac potestatis ius, sibi in captivos sumpsisse, quod seculis præcis, Ethnicâ insolentiâ, audaciaque, in servos atque vernas, Domini usurpârunt. Idque impudicæ atque illicitæ potestatis malum, Carolum V. Casatem, piorum quorundam hominum, Sacraei Ordinis instinctu adductum; novâ salutaris Decreti constitutione, constringendum. corrigendumque, haut invitè suscepisse. Et porro Hispanos, Moïsi ac Iosue exemplo, defendit Campanella: *de Hispanic. Monarch.* cap. 6. fol. 21. putatque, Indos fuisse extinctos, providentiâ singulari Divinâ, ut olim Cananæos, Amalekitas, aliosque populos Palæstinæ. Hisque qui parcebant, peccato se polluerunt. 1. *Samuel.* cap. 15. Sanè ut nunc Hispani, ita olim Iudæi, communes orbis prædatores habiti fuerunt. Namque Procopius in viâ Belisarij testatur, se in Mauritaniâ, Africæ Regione, vidisse quasdam

quasdam columnas hisce litteris insculptas : Nos Maurisij, qui fugimus à facie Iesu, latronis, filij Nave.&c. Ac ipsa linguæ proprietas, probabile reddit, Sidonios profugas fuisse Cananæos. Sic Dido amabilis est: Hanimibal, Dominus graciosus; Atherbal, gratus, vel ex orabilis Dominus: Masinissa tollens tributum, משינא & משינא ut pluribus, in revisione tractatus de Linguarum mutatione demonstrabo. Et sanè ius aliquod à Deo singulariter concessum, cum Deus expellit gentes, & earum terram alteri dat. *Psal. 78. versic. 55* Hispanorum quoque ius in Indijs prodit Hieronymus Cavallos, *tom. 4. opin. commun. contr. commun. quæst. 906*. Et ego iure amplio, nec in iudicia Divina inquirō.

VI. Itidem & externum hoc Incrementum, nonnunquam utilitas dissuadet. Plurimi alienis inhiando, sua perdidērunt. Longè itaque præstantius est, ut sua quisque securè possideat; quàm dum aliena appetit, de suis & necessarijs admodum rebus periclitetur. Procopius, *de Bell. Gothic.* Legitur de Principe quodam Tartarorum, quoddam captum Regem Rhutenorum, non necessariū bellum moventem, interfecerit, & ex calvariâ eius inauratum poculum fieri curârit, cum hâc inscriptione: Hic adpetendo aliena, amisit propria. Cum bellum eiusmodi suscipit Princeps, nemo non animum tumentem, & caducis confidentem impellit: causæ iustæ prætenduntur, in proclivique esse hostes vincere omnes dicunt; non laturos nuntium belli: nil dubij esse, quin tali molimine, non vinci solū adversarius, sed obrui possit. Nemo consilia suggerit, quale Xerxi olim Demaratus; apud Senecam, *lib. 6. de beneficiis, cap. 31*. Nemo audet præfigire cladem, nec etiam deliberatur, quid faciundum fiet, si res sinistrum sortiatur eventum. Indeque unica clades, causâ est secunda, secunda tertiæ. &c. Nec defunt in ullo sæculo exempla eorum qui aliena ambientes, se & suos perdidērunt. Magna Imperia, mole ruere suâ. Richter. *axiomat. historic. 128*. Ea proindè potentia tuta est, quæ viribus imponit modum. Valer. Maxim. *lib. 4. cap. 1* Et rectè Scipio, non amplius pro augendâ, sed pro conservandâ Republicâ, vota suscipienda esse duxit. Iustinus *lib. 25*. Nec præter rationem Augustus Imperator debebat Alexandrum; quoddam occupare magis provincias, quàm bene gubernare maluerit easdem, Plutarchus in *Apophthegmat.* Idemque idem intrâ fines Imperium coercendum esse censuit. Tacitus I. *Annal.* Clarissimus Dn. Ianus Gruterus, in *Discursu ad Tacitum, fol. 149*. qui hæc pro more pluribus illustrat. Scipio Amiratus, *Discurs. lib. 1. cap. 6*. Ovidius 2. *de arte amandi.*

Non minor est virtus, quàm querere, parta tueri:

Casus inest illi; hic erit artis opus.

Velut in rebus omnibus; sic & in Imperijs, suus est modus: quem si

excedis, ruet aut manibus alienis, aut tuis, aut etiam tuius. Piè apud Senecam Albutius: Aliquis etiam magnitudinis est modus. Non procedit ultra spacia sua cælum, Maria intra terminos suos agitantur. Quicquid ad summum venit, incremento non relinquit locum. Idemque ex eadem Scholâ Lucanus lib. 1.

*In se magnarumque latiusque hunc Numina rebus  
Crescendi posuere modum.*

Ratio est, quod ferè non augetur Respublica nimium, sine magnis peccatis; & nec ullus Princeps facillè sit magnus, nisi maximo incommodo aliorum. Id quod Boccalini, *cent. 1. ragg. 52.* eleganti exemplo Francisci Sfortie docet. Utar hic, B. Salviani verbis, *de gubernatione Dei, lib. 5. fol. mibi 166.* Penè iuxta te nullus intrepidus, nullus potest esse securus. Exturbas possessiunculis suis vicinos tuos, habitatione ac facultate proximos tuos. Numquid, ut scriptum est, super terram solus habitabis? Eisaï *cap. 5.* Hoc quippè est, quod non poteris obtinere. quilibet enim cuncta pervadas, vicinum semper invenies. Respice quæso alios, quos, velis nolis, & ipse suspicis. Respice alios, quos velis nolis, etiam ipse miraris. Magnitudo mediocris, Imperium durabile magis reddit. Botero *lib. 1. della ragion di stato.* Nimia magnitudo, suis ipsa viribus fatiscit. Pertinet huc Disputatio Aristotelis, *lib. 7. politicor. cap. 4.* quod civitas non debeat multitudine hominum infinitâ, & ambitu murorum æstimari: sed ingenio & naturâ talium incolarum, qui opus hoc rectissimè exequi possint, hoc est, ad mutuam, perfectamque beatitatè conspirent. *Et lib. eod. 7. cap. 2. à princ.* idem scribit: non nisi eos, qui Tyrannicam vitam cæteris anteferebant, Civitatem plurimis imperantè, felicissimam esse fateri. ibidemque *cap. 3.* habetur: Imperare multis, aut cunctis, summum bonum haut esse. Ac, *diâ. cap. 2.* probat, Rempublicam eam, ritè constitutam non esse, si leges ad hoc unum referantur, ut victoriâ & Imperio potiantur: quemadmodum Lacedæmone, atque in Cretâ, olim, tum educatio, tum summa Legum, ferè bellis accommodabatur. vide eundem Aristotelem, *lib. 7. politicor. cap. 14.* & Ilocratè in *Panathenæic.*

VII. Quarundam etiam Rerumpublicarum conditio non fert, ut ea extendantur. Impendia belli plurima sunt, quàm præmia: & principes quotidie experiuntur, piscari sese in bellis, aureo hamo. Benè & piè Annibal ad Scipionem: Optimum quidem fuerat, eam Patribus nostris mentem à Dijs datam esse, ut & vos Italiæ, & nos Africæ Imperio contenti essemus. Neque enim, ne vobis quidem Sicilia atque Sardinia, satis digna pretia sunt, pro tot classibus, tot exercitibus; tot, tamque egregiis Ducibus amissis. Livius, *libr. 30.* Et ita Imperij incrementum, respicere

respicere debet Reipublicæ præscriptum finem, legemque supremam, hoc est, populi salutem. Ne, quod plerunque fit, quemadmodum certantibus ventis, mare concutitur; sic Regibus sibi adversantibus populus Regni vexetur. Beatus Chrysostomus in *Matth. 2.* Eleganter Boccalini cent. 2. *ragg. 80.* *È somma pazzia, il desertar i Stati proprii, per far acquisto de gli altrui. Non è comè molti sciocchi credono, che il scorrer molte provincie, sia utilità; mà è meglio, scorrerne poche, & farle sue.* Principes etiam Germaniæ, non nimis esse attenti debent publicæ libertati, ut pro eâ conservandâ, & tuendâ, suscipiant bellum: si domi non ita sint omnia comparata, ut corresponsdeant huic moli. E parte della prudenzâ reale, il cognoscere, che acquisto gli convenga, o non gli convenga: perche ben spesso per dilatar i confini, s'indebolisce, e si snerva lo stato; e per diventar grande, si divien debole. Botero. 1. d. *de tri. fol. 54. b.* Qui vi acquirit civitatem, sæpè non inde fortior, vel potentior reddi solet: tempore namque belli, non sine periculo retinetur, tempore verò pacis, haut absque sumptu. Vt Soderini apophthegma refert, idem Boterus, *di d. lib. fol. 51. b.* Sic & imprudentiæ maxumæ nota est, incipere, quæ quis ante vitæ suæ finem perficere non potest. Quo nomine Carolus Burgundus à Cominæo culpatur, *lib. 3. cap. 3. ad fin. fol. mihi 204.* Idem, vt corporis cacochymici incrementum, hydropis prognosticum est: ita & Rempublicam benè purgatam esse decet, capax quæ sit talis augmenti. Namque quæ comparantur bello, à Republicâ malè institutâ; ea potius ad interitum illius pertinent quàm ad Imperij magnitudinem comparandam. Egregiè Nicolaus Machiavellus, *discurs. lib. 2. cap. 19.* Idque non animadvertens Sebastianus Portugalliæ Rex, perdidit se, vnâ cum suis. Hieronymus Conestagius, *de coniunctione Portugall. cum Castell. lib. 1.* Sanè in corporibus hominum satius est, modicam staturam cum sanitate habere; quàm ad molem giganteam, perpetuis afflictionibus pervenire: nec cùm perveneris requiescere; sed quantò grandioribus membris, tantò maioribus agitari malis. Beatus Augustinus, *lib. 3. de civitate Dei, cap. 9.* Et sunt quoque qui putant, Indiarum detectionem plus damni, quàm commodi non orbi solum Christiano: Hippolytus à Collibus, sub nomine Ioh. Werner Gebhardt. *In den fürstlichen Eisch. reden/ lib. 2. cap. 6.* Boccalini, cent. 2. *ragguagl. 90.* Keckermannus, *in Synops. Oeconom. cap. 7. fol. 90. & Disput. pract. 28. thes. 45.* sed & ipsis Hispanis adferre: quod alicubi in Itinerario suo Hugo Linscotanus, probat. verùm eâ de re in capite sequenti plurib. dicam. Et insuper provinciæ sunt occupandæ, quib. onera imponi queant, ut Respublica domians, libera relinquantur. Ergò bello non aggrediendæ sunt provinciæ onerosæ, & quæ nostram Rempublicam exlugunt. Et præsertim haut

consultum esse videtur; alienis viribus Imperium augere. Adhuc verò imprudens magis est, si quis alienam potentiam juvet: firmumque prodit axioma, Machiavellus, *cap. 3. de Principe*. Aliena potentia auctorem perdere seipsum. Non item est tutum, longè dissitis regionibus imperare: cum unio & contiguitas maximum faciat robur. Botero *1. de ratione di statò, fol. mihi 10.* Iean. de Marnix, *sect. 4. resolut. 3.* Distantibus locis, auxilio esse nequimus: & etiam in ijs, Imperij summi respectus cessat.

VIII. In Imperio, qui longè latèque dominari, viresque suas extendere cupit; ibi omnia ad bellum spectare, benèque ordinata militia, summum quasi bonum esse decet. Ita apud Turcas, Belli semper prima & præcipua cura est. Soli Turcæ militia student artes & scientias negligere solent. Solum bellum offensivum gerunt. Non arcibus & propugnaculis, Imperium, acquisitamque potentiam defendunt: sed potius exercitu semper instructo, & parato. Milites institutione diligenti, fortiores, & ad bellum paratiores reddunt. Militum copias ingentes, exactà militari disciplina coercent. In bello gerendo, viribus propriis, non exteris aut peregrinis auxilijs innituntur. Duces belli, præcipient exercitui præstantissimos. Expeditiones non interrompunt; non quid hostile, à tergo relinquunt. Exercitus non occupant circa expeditiones parvi momenti. Imperator exercitui ferè in bello adest. Ordine decenti, magnoque rerum necessariorum adparatu, bella gerunt. Copias & vires non dividunt: nec simul plus, quam vnum bellum, nec item diu uno cum hoste gerunt. Uthæc omnia latissimè persequitur, Renatus de Lusingha, *in tract. de incremento, conservatione, & casu Imperiorum, libr. 1.* Extat & ingeniosissimus Thomæ Campanellæ Tractatus, de Hispanicâ Monarchiâ; ubi tam belli, quàm pacis enumerat varias artes, quibus Imperium illud amplificari, totique orbi imperitare possit. Liberæ cum primis Reipublicæ perniciosum est, externum augmentum. Unaque Roma, diu satis exteris imperitavit. Athenæ, & Carthago, Imperium tale, etsi nactæ sint; id tamen tueri nequiverunt. Ferèque est, ut dissentiant à politissimo Paolo Paruta, qui *lib. 1. Discurs. 13.* sentire videtur: Monarchiam minùs commodè magnam potentiam tueri, ac Democratiam. Et indè hoc nomine Boccalini, *cent. 2. ragg. 6. fol. mihi 20.* maxumè commendat Liberas Germaniæ Civitates, quòd magis suam tueri libertatem, quàm alijs servitutis imponere satagant jugum. Græcia licet olim tam militum fortitudine, quàm prudentiâ Ducum; non cesserit Romæ: attamen haut ita latè extendere Græci Imperium potuerunt, ac Romani. Quia nempe in multas Respublicas parvas, quarum quælibet alterius potentiam habuit suspectam, divisafuit. Nec item Siciliam

Siciliam adquirere Athonienſes, nil item egregiè in Ægypto iidem efficerere potuerunt. Paruta *diſt. libr. 1. diſcurs. 14.* Veneta Reſpublica, licèt minus obnoxia ſit civilibus turbis, & idè meliùs inſtituta videatur, ipſa Romanà veteri Civitate; tamen non potuit, ad parilem potentiam pervenire, non ſolùm, ut Machiavellus alicubi ſentit, propter leges & inſtituta, paci magis apta; ſed & propter circumſtantias alias multas; quas Paruta congeſſit, *libr. 2. Diſcurs. 1.* Aded etiam metuunt Veneti ſuæ libertati, ut nolint Senatores ſuos nimis magnos, belloque externo illuſtres fieri ac potentes. Vid. Boccacini, *cent. 1. ragg. 79.* Cur autem Principes moderni, iſſe ſeculo priſco, tam in rebus gerendis, quàm Imperio dilatando, nullo modo æquiparari queant? indagat idem Paruta, *lib. 2. Diſcurs. 6.* vbi Alexandri Magni, Cæſaris & Pompeij expeditiones, cum rebus geſtis Solimanni, Caroli V. & Franciſci I. confert. Sæculis ab initio Regnorum primis, bella gerebantur, gloriæ magis, quàm Imperij ſtudio. Juſtinus *lib. 1. à princ. fol. 2.* Ad morem ferè Equitum illorum, quos Galli *les Chevaliers errants* vocare ſolent. Talesque fuerunt, Hercules & Argonautarum expeditiones. Poſt Monarchijs, alijsque Imperijs magnis qui præfuerunt, alios ut ſubjugarent, operam dederunt. Hodie non bella ſunt, ſed bellorum tumultus. Eſti in poſtremâ ſenectâ, multum ſit bellorum: non tamen res geritur ſimili animorum vigore atque labore. Nunc tumultus aſſidui ſunt, quibus ſiunt vaſtationes, non Imperia conſtituuntur, aut ornantur, Richter *axiom. hiſtoric. 46.*

IX. Aliquandò item intereſt ſubditorum, Principem haut potentem nimis eſſe, neque latè imperitare. Sicque potentiam ſuorum Dominorum, ſemper impediverunt Flandri. Cominæus, *lib. 6. cap. 9. fol. mihi 553.* Belgioque toti, exitioſa tandem fuit acceſſio Regnorum Hiſpanicorum. Et indè ortum ducunt, Privilegia Subditorum, ne ij Principem extrâ territorium bellum gerentem, ſequi teneantur. Hiſ, inquam, pernicioſa Principum ambitio anſam dedit, & idè procuraverunt, ne ad lubricum ſuorum Dominorum, animæ atque corporis iacturam pati cogantur. Concludo hæc omnia optimo conſilio Thomæ Mori; qui *lib. 1. Utopiæ, fol. mihi 36.* &c. ita ſcribit: Populi Achoriorum, Utopienſium Inſulæ ad Euronotam oppoſiti, bellum olim geſſerunt, ut Regi ſuo aliud obtinerent Regnum; quod affinitatis antiquæ cauſâ ſibi contendeat hereditate deberi: conſequuti verò tandem id, vbi viderunt, nihil ſibi minus moleſtiæ eſſe in retinendo, quàm in acquirendo pertulerunt, verùm aſſidua pullulare ſemina; vel internæ rebellionis. vel externæ in deditis incurſione; nunquam dari facultatem exercitus dimittendi: compilari interim ſe, efferri foràs pecuniam: alienæ gloriolæ,

gloriolæ, ſuum ſanguinem impendi; pacem nihilò tutiorem, domi corruptior bello mores, imbibitam libidinem latrocinandi, confirmatam cædibus audaciam, leges contemptui eſſe; quodque Rex in duorum Regnorum curam diſtractus, minus in utrumvis animum intendere poſſet. Cùm viderent alioqui tantis malis nullum fore finem; inito tandem conſilio, Regi ſuo humaniſſimè fecerunt optionem, retinendi utrius Regni vellet: nam utriusque non fore poteſtatem; plures ſe eſſe, quam qui à dimidiato Rege gubernari queant. Ita coactus eſt, bonus ille Princeps, novo Regno cuiſpiam ex amicis relicto, antiquo contentus eſſe.

## CAPUT IV.

*Continens Conjectanea de Novo Orbe.*

*Petrus Martyr*  
in Decad. de re-  
bus Oceanicis  
paſſim. *Petrus*  
*Bembus*, hiſt.  
Venet. lib. 6.  
*Ioh. Merellus*,  
*ICrus* in elega-  
tiſſimâ episto-  
lâ, ad Antoniũ  
Auguſtinum,  
præfixâ Hiſto-  
riæ Hieronymi  
Oſorij, de re-  
bus geſtis Em-  
manuelis, Lu-  
ſitanicæ Regiæ.  
*Hieronymus*  
*Benzo*, in hiſto-  
ria Indiæ Oc-  
cidentalis ſpar-  
ſim. *Iob.*  
*VValchius*  
*Schorndorſſen*  
ſit. in Decad.  
Fabular. Fabu-  
la 9. fol. 250.  
&c. *Henric. Sal-*  
*muth*, ad Pan-  
cirolli nova æ-  
pocra, tit. 1. à  
princ. *Eraſmus*

**R**Es, Me Chriſte, Admirabilis eſt, in primis que ſtupenda, ut ante an-  
nos centum & quod excurrit (Anno nempe poſt Chriſti nativitatem  
MCDXCIII.) unus anonymi cuiuſdam inſtinctu (quem tamen  
Bernhardus Aldrete, lib. 4. d. *varias antiquedat cap. 17. fol. 56.* Antoniũ  
Sanchez de Huelvâ vocat) unius Chriſtophori Columbi Genuenſis, fe-  
liciffimo auſu, unius magnanimæ ſæminæ (Iſabellæ ſc. Caſtillæ Reginæ)  
liberali ſumptu fuerit factum; hominibus ut Novus planè innotefceret  
Orbis (magnitudine vix antiquo cedens) & qui omnibus in noſtratis  
Mundi parte conſtitutis, penitus tum incognitus erat, quemque in re-  
rum exiſtere naturâ, ne in ſomno quidem unquam cogitarent. Magis  
etiam, magisque in admirationem omnes meritò trahit; infinitas ferè  
præter Novi illius Orbis duas principales partes (Americæ & Peruvinæ,  
terræ item Australis nomine inſignitas) omnigenas quoque Inſulas hinc  
indè in immenſo ſalo, à Magno rerum Moderatore diſſeminatas, terræ  
ac cæli qualitate differentes; alijs Columbi veſtigia prementibus Nau-  
tis, interea quoque temporis comparuiſſe: homines item, omnibus illis  
in terris paſſim inveniri, numero quidem infinitos; ſed tamen pariter  
ut diſtantiâ locorum, ita quoque moribus vindi que ratione, ab alijs  
noſtri Mundi notis incolis omnino ſeparatos. Sanè res hæ tales tantæ-  
que ſunt, ut vel meditantis ſuperare captum, vel ad mentis quoque ſtu-  
porem adigere poſſe videantur; quoties earum conſideratio, animum  
intelligentis cordatque viri ſubire contingit. Tu hinc, Chriſtiane Le-  
ctor, potentiam Opificis Dei; Tu hinc admirabilem, ab omni que hu-  
manâ prudentiâ alienam, huius Mundi animadverte gubernationem,  
Complectere, quaſo, cogitatione, quàm ridiculos ſe præbeant illi, in  
ſuo oppido, in ſuâ qui villâ caulâ vè impotenter dominantur; eoque no-  
mine,

mine, in Mundo unice respici se debere vanissimè sibi persuadent: nec quam exiguum spatium, territorium quoque satis amplum in munda- no occupet globo; nec item quæ Majestas atque libertas sit Philosophi Cosinopolitæ, animo satis sobrio perpendunt.

2. Novum hunc Orbem, exploratum detectumque iri aliquandò, multorum vel vaticinationibus, vel conjecturis, cognitum prædictum- que jam olim fuisse videtur: & admirationem meretur cum primis Ora- culum Senecæ nostri, qui in Medæâ, ad fin. *Actus*. 2. ita vaticinatur.

Venient annis secula seræ,  
Quibus Oceanus vincula rerum  
Laxet; & ingens pateat tellus,  
Tiphysq; Novos detegat Orbes:  
Nec, sit terræ ultima Thule!

Fidem hujus prædictionis, eventus ita ex omni parte comproba- vit; ut nequam ad stipulari ( prudenti aliàs rerum æstimatori ) Josepho Acostræ, qui *libr. 1. de l' histor. des Indes, c. 11.* casu hæc, & ex licentiâ poe- ticâ prolata fuisse putat. Marcus Antonius Delrio, in *Commentar. ibid.* Abrahamus Ortelius in *Tabulis India Occidentalis*. Sed undè scivit Dan- tes, in adverso polo, quatuor esse stellas loco Cynosuræ? in *princ. de pur- gasor.*

Io mi volsi à man dextas; & posimento  
Al' altro polo, & vidi quattro stelle,  
Non viste mai, fuor che la prima gente.

Id quod navigationes, seculo Dantis ignotæ prorsus, multis annis pòst, demum aperuerunt. Traian. Boccalini *centur. 2. ragg. 90. fol. mibi 396.* Et Christophorus Landinus, in *Commentar. ad Danterem* planè ine- pit: nec tum enim id cognitum erat. Quin nec dubium habere queo, idem hoc Cumanam indicavisse Sibyllam; quæ ( ut ex suo sensu Vergi- lius interpretatur ) ita est vaticinata:

Alter eris tum Tiphys, & altera qua vehat Argo  
Delectos Heroas.

Carmen enim illud Sibyllinum, quod Bucolicis Maronianis *Eclog.* 4. conspicitur insertum, non solum vaticinatio est de adventu Christi; sed & spectare videtur ad secula pòst subsequuta, & quæ nec dum hodiè sunt finita: quod ( si Deo placuerit ) alio loco commonstrabo. Quid, si Esaia Prophetiam, quæ est cap. 18. huc accòmodemus? væ terræ, cymba- loalarum, quæ est trans flumina Aethiopiæ. Ite Angeli velo- ces, ad gentem convulsam, & dilaceratam ( *per Atlanticum scie- licet mare* ) ad opulum terribilem, post quem non est alius: ad gentem expectantem & coulcata; cuius diripuerunt flumina

D terram

Schmidius, in  
discursu de In-  
sulâ Atlanticâ:  
qui etusdem in  
Pindarum cõ-  
mentariis ad-  
ditus invenitur  
Petr. Bertius;  
Tabul. contra-  
ctar. libr. 5. in  
Americâ de-  
script.



terram ( diluvium illud, cuius mentio fit infra numero 10.) Ante meſſem tota eſt flornit, & immatura perfectio germinabit. Relinquetur ſimul avibus montium, & beſtijs terræ; & æſtate perpetuâ erunt ſuper eum volucres, & omnes beſtiæ terræ ſuper illum hyemabunt. In tempore illo deferetur manus Domîno exercituum, à populo divulſo. &c. Et ſunt pariter hæc qui de re, Hobadîam quoque Prophetam loqui cenſent; cùm *verſ. 20.* ſcribit: Et tranſmigrationis filiorum Iſrael qui Chennaanim, uſque ad Sarphath. Et tranſmigrationis Jeruſchalaim quæ in Sepharad, poſſidebant Civitates Auſtri. Ubi Jonathan Uzielis, optimus & apertiſſimus Prophetarum interpres, in Chaldaica paraphraſi. pro Sepharad ( ספרא ) Hiſpaniam ( סבמייצ ) ponit. Ac ſane ex etymi veritate, Sepharad (quippe quod componitur ex ספר & דרר vel דרר) conſumationem deſcenſionis aut Imperij notat: quod epitheton haut impertinenter adtribui Hiſpaniæ poteſt. Et quidam etiam צרבת (Sarphat) pro Franciâ ſumunt. Benjamin Tudelens. *in Itinerario ad finem.* Illud quoque conſtat; Inſulares hoſce novos, à ſuis Diis, quos Zemes adpellant, paulò ante Hiſpanorum adpulſum, ejuſmodi reſponſum accepiſſe: Venturam eò, indutam veſtigibus gentem, quæ ſubigeret regionem, & ipſorum pariter aboleret Deos: ut memoriæ mandavit Bembo. *hiſt. Vener. lib. 6.* ac refert etiam Benzo, *hiſtoria novi orbis, lib. 1. cap. 8.*

3. At nunc nobis exquirendum erit; quomodò tot jam retrò ſeculis præterlapſis, hæ tanta magnitudinis terræ, ſimul & opulenta; potuerint latere noſtrates? præſertim cùm non in obſcuro aliquo orbis angulo ſita ſint; ſua ſed amplitudine, in Zonas temperatas pariter ac intemperatas, longiſſimis tractibus extendantur; ut ſi ad hanc terram per Zonarum unam, commodè navigare non liceret; eadem tamen per aliâ adiri poſſet. Quod ſi perpendimus inſatiabilem auri argentique famem, quâ non per mare ſolum, perque terras; ſed & per ſaxa per ignes, vel extremos uſque Indos mortales feruntur: mirum certè eſt, neminem ad tam opulentiſſima Regna hætenùs adpulſiſſe. Neque minùs hoc accidit mirum, ſi Regum & Monarcharum ſumam dominandi cupiditatem conſideremus; qui ut etiam ex remotiſſimis terris, Regnis ſuis facerent acceſſionem, nihil intentatum reliquerunt: quomodò eos ſeculis tot, tot Regnorum ditiſſimorum terræ, potuerit occulta manere. Et aliàs hominum eſt curioſitas magna; dum nova ſubindè inquirere, ſummo ſtudio laborant; adeò ut etiam ea, in viſceribus terræ abſtruſa quæ continentur, non effugerint aciem humanam: ut verè liceat mirari, ea quæ in ejuſdem ſuperficie ſunt, tot ſeculis incognita potuiſſe permanere. Ariſtoteles quidem *in libello de Mirabilibus auditu*, verosimilem huius rei rationem adducit, dum ita ſcribit: In Atlantico mari extra Herculis columnas,

*Viſ. Iſoſephum  
Acoſtam. lib. 1.  
cap. 15.*

*Ian. Druſum  
Quæſt. Ebrai-  
car. lib. 3. c. 53.*

**Schmid**  
in diſcurs. de  
Inſulâ Atlant.  
fol. 262. &c.  
**Walch.** dict.  
tabul. 9. fol.  
261. &c.

lumnas, insulam olim à Carthaginensibus repertam esse; à nullis tunc hominibus, sed feris tantum habitatam, arboribus frequentibus refer-  
tam, fluminibus plurimis ad navigandum idoneis irriguam, à conti-  
nente aliquot dierum navigatione remotam. Et addit: Cum animad-  
verterent Carthaginenses (qui olim Oceano occidentali, ut hodie ferè  
Hispani, imperitabant) complusculos mercatores, hominesque alios,  
fertilitate loci, amœnitate, aerisque clementiâ allectos, suam ibi fixissè  
sedem; veriti sunt, ne si Insule illius fama ad alias nationes perveniret,  
magnus ex variis terræ locis ad illam fieret hominum concursus; qui  
forsan postea peculiari Imperio constituto, sibi non tantum præriperet  
illius Insulæ felicitatem, sed & ex eâ Carthaginensè Imperium infesta-  
rent, eivè maris dominium extorquerent. Publico idcirco consilio  
decreverunt, morte etiam indictâ, nequis post hæc eò navigaret: & ne  
ab iis qui jamdum illam Insulam occuparant, periculum sibi metuendû  
esset; omnes eos, quibus quidem potiri potuerunt, expulserunt, aut  
interfecerunt. Atque hoc fortasse modo factum est; ut cum Cartha-  
ginensibus id prohibentibus, & etiam hostiliter avertentibus hoc ten-  
tantes, nemo amplius eò navigare auderet: Insula indè illa quæ sine  
dubio America, vel eidem vicina erat) tùm non fuerit explorata. Pro  
credibili itidem alij sumunt, neglectas etiam fuisse hæc regiones, pro-  
pter Imperiorum, Romani præsertim, Græcanticque commutationes;  
quarum sanè occasione, totus noster Orbis, bellis vastationibusque ju-  
giter ardebat: & quia Barbarorum primùm incursiones, tùm & Turci-  
ci Imperij incrementa, vires & cogitationes Europæorum, ita in se ex  
toto convertebant; ut navigationibus instituendis, non ullus iis locus  
relinqueretur. Nautica quoque Pyxis, veteribus incognita fuit: Guido  
Pancirolli. in *Novis repert.* cap. 11. & ibi Salmuth. Petrus Bellonus, *obser-  
vas. lib. 2. cap. 16.* Estienne Pasquier *lib. 4. des Recherches, cap. 22.* (vbi ta-  
men eam, iam tempore Ludovici Sancti, in usum fuisse probat) ideoque  
ferè semper terrarum oras tantummodò legerunt olim navigantes; ne-  
moque se facillè vasto Oceano committere fuit ausus. Lubet & aliam  
hic subijcere narrationem, quæ aliqualem quoque suggerit rationem,  
cur non citius indagata fuerit terra illa nova. Cum circa Annum à nati-  
vitate Salvatoris nostri DCCC. Vergilius Episcopus Tridentinus, Divi-  
ni verbi sollicitus propagator, de Antipodibus (qui haut dubiè futuri es-  
senti inquirerentur) cum Bonifacio (Germanorum Episcopo primo) &  
sermones institueret, & disputaret, ac pro adfirmante contenderet par-  
te; agrè rem hanc Bonifacius tulit, erroneumque Vergilium judicavit,  
ac etiam apud Pontificem maximum malè sanæ opinionis reum egit.  
Pontifex, qui nec ipse harum rerum rationis momenta sat capiebat, Ver-

Ex Aventino  
Hystor. Magde-  
burgensis, cent.  
8. c. 10. fol. 785.  
VValch. dict.  
fab. 9. fol. 758.  
Cyriac. Span-  
genberger'scher  
H. Itoria Boni-  
facii. c. 40 Loya  
Guyon, tom 2.  
des diverses le-  
cons lib. 4. cap.  
13. & seq.

gilio ſilentium indixit, anathemate illi etiam, ni deſiſteret, interminatus.

4. Sed ut ut hæc emiſe enumerata conjectura probabiles ſint: cauſa tamen ſublimior omnino, mihi ſubefſe videtur. Et nimirum ille, qui temporum periodos & ſigna, mirabilemque ſeculorum, vel per tranſſennam modò inſpexit harmoniam; qui ſcit, Deuna ſtatera ponderaſſe ævum, & meſſurâ tempora meſſum eſſe, ac numero tempora numerâſſe: *Eſdra lib. 4. cap. 4. verſ. 37.* ille, inquam, operâ faciliſſimâ deprehendet; conſonantiam maximam, & typicam ſubefſe harmoniam; (1) inter tempus populi Iſraelitici ex Ægypto liberati, (2) inter tempus Eccleſiæ primitivæ, poſt Salvatoris noſtri paſſionem, (3) & tandem etiam inter ſeculum Evangelicæ reformationis. Exindeque lumen inſertur haut obſcurum, prophetiis, prophetiarumque cæmplurimis typis. Pervenerat opinio factarum virtutum in Ægypto, ad omnes gentes; teſte Rachab meretricis, quæ hoſpitiſ ſuſceperat Joſuæ exploratores, in Jerichontem miſſos. *Joſua 2. verſ. 9. & c.* Ac inde quoque lib. 1. Samuel. cap. 4. verſ. 8. Deus Iſraelis, à Philiſteis gentilibus vocatur (Idololatrarum Phraſi) Diſſimiles, qui percufferunt Ægyptum. Vid. Drufium, *ad loca difficil. Samuel. ibid.* Sic & jam ante Judæorum Metropoleos everſionē, Evangelium per Mundum univerſum effuſum erat. Debuerunt enim Apoſtoli, teſtes eſſe Salvatori noſtro & Hieroſolymis, & in totâ Judæâ, & Samariâ, & uſque ad ultimas terras *Actor. 1. verſ. 8.* In omnem terram exivit ſonus eorum, & verba eorum ad ultima terrarum orbis: ait Div. Paulus. *Romanor. 10. verſ. 18.* Qui idem alibi ſcribit: prædicatum eſſe Evangelium omni creaturæ quæ eſt ſub cælo. *Coloſſenſ. 1. verſ. 13.* Ita etiam Theodoretus, *Græcar. affectionum curat. lib. 9. fol. m. 125.* noſtros illos Piſcatores & Publicanos, & noſtrum illum ſcytotomum (Paulum intelligit, ut puto) ad Evangelicam legem, non Romanos ſolum, & qui ſub Romano Imperio vivebant; ſed Scythas & Sauromatas quoque, Indos, Æthiopas, Perſas, Seres, Hircanos, Britannos, Cimmerios, Germanos, omne denique genus humanum, & omnes nationes, adfirmat induxiſſe. Illuſtre etiam teſtimonium eſt Tertulliani, & propoſito noſtro in primis accommodatum, qui lib. *adverſ. Iudaos, tit. de Nativitate Chriſti*, Salvatori noſtro credidiſſe confirmat; Getulorum varietates, & Maurorum multos fines, & omnes terminos Hiſpaniarum & Galliarum diverſas nationes, & Britannorum inaccessa Romanis loca; & quoque gentes Sarmatarum, & Dacorum, & Germanorum, & Scytharum & abditarum multarum gentium, & Provinciarum, & Inſularum multarum, nobis ignotarum, & quæ minùs enumerare poſſimus, Chriſto ſe ſubmiſiſſe. Pariliter verò alterum Dei Filii adventum, præceſſuram Evangelij

Roberts. Abbat.  
in demonſtrat.  
Ani. huius.  
cap 5.

Vid. Remacii.  
de Pauli Har-  
pocratem Di-  
vinum, par. 7.  
à fol. 194. ul-  
que 233.

Evangelij prædicationem in universo Mundo, jam certè olim annunciatum prædictumque fuit: Quodd si inter omnia ea, quæ prædixit Ihesus Christus, certum aliquod sui adventus indicium quærendum est; nullum certius existere Sanctus Augustinus, *Epist. 78. & 80. ad Hefseb.* ait: quàm ubi Evangelium in toto terrarum orbe fuerit prædicatum. Et apertissima enim hæc de re legitur sententia Salvatoris nostri, dicentis: *Matth. 24. v. 14.* Et prædicabitur hoc Evangelium Regni in orbe universo, in testimonium omnibus gentibus (quæ certè verba, propriè & non synecdochicè sunt accipienda) & tunc consummatio veniet: cuius typus est, destructio Civitatis & Templi Hierosolymitani. Est ideoq; *consummatio*, complementum omnium Prophetiarum, quæ faciunt mentionem temporis extremi. Et hoc intuitu Origenes quoque *trahit. 28. in Matth.* insequentia scribit: Si quis temerè dicere vult, Evangelium jam esse prædicatum in orbe, in testimonium omnibus gentibus; consequenter dicere possit, jam venisse finem. Latè Cardinalis Bellarminus *lib. 3. de Pontifice, cap. 4.* Sic igitur Evangelium est prædicandum, quod ex omnibus gentibus, & tribubus, & Populis, & linguis, filij Regni colligantur: ut in Apocal. Div. Johannes *cap. 7. vers. 9.* prævidit. Hæcque jam modò inceperunt; non solum per Ecclesiæ ex Evangelicà normâ reformationem: sed & (quæ non sine mysteriò magno, in idem ferè incidit tempus) novarum Insularum detectionem. Ubi solummodò unus ex Fratribus Franciscanis, circiter quadraginta hominum millia, sacro fonte tinxisse refertur à Botero. *Relat. part. 4. lib. 3.* Ubi etiam Patres Societatis Jesu, & si qui sunt alij, Romano-Catholicæ adjecti Religioni, ferè non nisi Evangelicam fidem; superstitionibus plerisque rescatis, docere, Philippus Nicolai probare conatur, *lib. 1. de Regno Christi, cap. 1. fol. m. 53. & c. ac ibid. fol. 90. & c.* ut & Wenceslaus Budo Wetz in *Circulo horologij & c. fol. 206. & c.* Ac quod alias adinet amplissimas terræ portiones, quæ adhuc dum incognitæ manent (nam sanè terra Australis, & circa Antarcticum Polum, pro tertiâ orbis parte habetur, *vide tom. 5. d. Mercure François, fol. 120. & c.* ac adde libellum supplicem Ducis Petri Fernandez de Quir, *quæ iuncta est descriptioni freti, ab Henrico Hudson detecti. vbi inulta de illâ Australi terrâ.* vel in quibus hæc etiam ætate nostrâ, nondum annuntiatam esse Christianam Religionem constat: spes tamèn omninò me pulcherrima fovet; favente clementiâ Dei, eas brevi aperiendas, in illasque Sacra Christiana implantanda esse. Qui ambigimus de Gentium ad fidem vocatione, (ait Seraphinus Firmanus in præfat. Apocalyps.) si in novis Indiarum regionibus; quæ & situs magnitudine, & populorum frequentiâ, totam vincunt Europam, passim insonare non cessat Evangelij tuba? Add. Cæl. Curionem, de amplitudine

Regni Dei, lib. 1. fol. mibi 44. &c. ac fol. 50. &c. Sanè huic tantæ rei, viam amplam voluit aperire Deus, per potentiam Hispanorum: eosque candidissimus Historicorum Jac. Aug. Thuanus, lib. 1. fol. m. 5. ad hoc magnitudinis culmen evectos esse, sapientissimè censet; ut cùm Christiana promulgationem Religionis, in omnes terras ante seculorum consummationem oporteat distundi; quò idè essent, qui tam longinquas ac difficiles, viribus suis freti, susceperent navigationes, quiq; ibi inter tot gentes, incognitum antè Christi nomen, vel perperam celebrarent. Nam certè miraculis, & vitæ innocentia, optimè convertuntur gentes. Exemplum eius rei memoriâ dignum, habet Historia Tripartita, lib. 2. cap. 21. Thomas Campanella, cap. 31. *Hispanica Monarchia*, eo nomine cunctis præfert; quòd hinc terrarum immensis spatii dominetur, quodque Deus in eorum manus, illas non sine miraculo siverit pervenire. Ibidemque in quo impegerint Hispani, ac quomodò eiusmodi defectus queant resarciri, non imprudenter monet Elegantissimè Battista Guarini, in proleg. *Pastoris Fidi de Rege Hispanorum.*

*A la cui monarchia nascono i Mondì.*

— *Al vostro possente altero Sole,*

*Che uscì dal grande, & per voir chiaro occaso,*

*Si veggond' ogni clima*

*Nascer provincie, e regni,*

*E crescer palme, e pullular trofei.*

*A cui*

*Nè anco quando annotta il sol tramonta.*

Ac iam suprà alicubi dixi, arcano Dei iudicio tantam cladem Americanis fuisse innuissam. Indeque Ferdinandi Cortesii (qui Peru & Mexicanam subegit regionem) Symbolum fuit: Iudicium Domini adprehendit eos, & fortitudo corroboravit brachium meum. adde Montaigne lib. 3. *des essay*, cap. 6. fol. mibi 9: 8. &c. Bellarminus item, lib. 4. *de Ecclesiâ militante*, cap. 7. exindè Ecclesiam Romanam verè Catholicam esse contenditur, quòd eius fides per totum orbem, & etiam in Indiam utramque fuerit propagata. Idemque ibidem cap. 12. Catholicorum, non Hæreticorum esse scribit; infideles convertere ad fidem. Quam etiam ob causam, ad introducendam nempe gentium plenitudinem in ovile Christi, & ne in hac parte nostrates, segiores Romano-Catholicis sint; utque restituerent, quod ob avaritiam crudelitatemque Hispani neglexisse dicuntur: sancto nuperrimè zelo motus, egregium libellum, *Iustus Heurnius* edidit (Johannis, Medici illius præstantissimi filius) *De Legatione ad Indos capeßendâ*, inscriptum; omnium piorum relectione

relectione dignum. Porro etiam ingens illud spatium terræ, immensus ille tractus, & verè alter Orbis, qui post irruptionem Hispanorum, vastus mox attritusque adparebat: habitatur iterum nunc, coliturque. Lippius 2. de *Constantiâ*, cap. 22. Ac plures nunc in Indiis subditos Christianos habere Hispaniarum Regem, plura monasteria, Ecclesias, Civitates, ac Castra plura; quàm alibi locorum: Eliud Nicolai scribit. In der *Neyen Relation*, von *West- und Ost-Indien*, cap. 1. Inibique multos esse Episcopatus, Academias duas, quamplurima Collegia Societatis Iesu, infinitumque numerum Christianorum, Aubertus Miræus refert, tract. de *statu Religionis Christianæ*, lib. vlt. qui idem lib. 2. cap. 15. eiusdem tractatus, statum Religionis Christianæ, in Indiâ Orientali depingit.

§. Etiam non curiosa, vel inutilis consideratio esse videtur; *Annè veteribus vel Græci vel Romani gentibus* ~~visu~~ *non a fuerint illæ, quas nunc India Occidentalis titulo indigitamus, regiones?* Id quod sanè multas propter rationes gravissimi momenti, negandum esse quamplurimis videtur. Nam & olim Sancti etiam Patres, terram hanc rotundam, nec idedò Antipodes esse censuerunt. Alios nunc obmitto, unus atque alter tantummodò audiatur. Lactantius Firmianus, *Inst. Divinar.* lib. 3. cap. 24. Quid illi (ait) qui esse contrarios vestigijs nostris Antipodas putant; num aliquid loquuntur? aut est quisquàm tam ineptus, qui homines esse credat, quorum vestigia sunt superiora, quàm capita? aut ibi, quæ apud nos jacent inversa, pendere; fruges & arbores deorsum versus crescere; pluvias, & nives, & grandinem, sursum versus cadere in terram? Et miratur aliquis hortos pensiles, inter septem mira narrat; cum Philosophi, & agros, & maria, & urbes, & montes pensiles facere audent? *Et paulò post*: Si autem rotunda etiam terra foret, necesse esset, ut in omnes Cæli partes eandem faciem gerat: id est, montes erigat, campostendat, maria consernat. Quod si esset, etiam sequeretur illud extremum; ut nulla terra pars sit, quæ non ab hominibus, cæterisque animalibus incolatur. Sicque pendulos istos Antipodas, cæli rotunditas adinvenit. Parilia ferè Divus Augustinus habet, lib. 16. d. *Civ. Dei*, cap. 9. Quod Antipodas esse fabulantur; id est, homines à contrariâ parte, ubi Sol oritur, quando occidit nobis, adversa pedibus nostris calcare vestigia: nullâ hoc, inquit, ratione credendum est. Neque hoc ullâ Historicâ cognitione didicisse se adfirmant: sed quasi ratiocinando conjeçant; eò, quod intra convexa cæli, terra suspensa sit, eundemque locum mundus habeat, & infimum & medium. Et ex hoc opinantur; alteram terræ partem, quæ infra est, habitatione hominum carere non posse. *Et aliquantùm post*: Nimis absurdum est ut dicatur, aliquos homines ex hac in illam partem, Oceani immensitate trajectâ navigare, ac pervenire potuisse;

*Acosta*, 1. cap. 1.  
& cap. 7. ac 8.

uiſſe; ut etiam illic ex uno illo primo homine genus inſtitueretur humanum, &c. Quin & conſtans illorum quoque, Antipodes qui aſſeruerunt, opinio fuit (cui Cicero d. *Republ. lib. 6.* & Pomp. M. la, *cap. 1. lib. 1.* ac maximi quique ſuffragantur) plagam eorum penitus nobis incognitam eſſe. Et Cicero in primis interfuſum maximum inter nos & illos *diſſidens* Oceanum exiſtimavit, quem nemo unquam penetrarit. Cui & Macrobius adſtipulatur, in *Somnio Scipion. lib. 2. cap. 5. ad fin.*

6. Mentio quidem fit i. Regum, *cap. 9. v. 26.* & c. ac etiam 2. Paralipom. *cap. 8. verſ. 17.* & c. claſſis à Salomone & Hiram, ad advehendum aurum ex *אֹפִירָא* (Ophira) emiſſa: unde etiam multa auri talenta, reſque alie pretioſe allatae fuerunt. Hanc Ophiram eandem eſſe cum Americâ noſtrâ, ſunt qui adſtruere nitantur. Ajunt enim, locum ubi ſolverunt oram, portum eſſe *ad* mari; indè per *Aethiopicum* Oceanû, ad Americam commodo curſu naves pervenire potuiſſe. Ajunt, nomina non admodum diſcrepare: Ophiram etenim eandem eſſe, quæ hodiè Peruviana; præſertim cum eadem Hiſtoria ſacra, aurum illud ex Ophirâ præſtantiſſimum, alibi aurum Peruanum vel ex Parvajm (*פּרַוַיִם*) ſoleat indigitare. 2. *Paralip. cap. 3. verſ. 4.* At verò claſſem illam Salomonis, haut occidentem verſus, ſed magis in Indiam Orientalem intendiſſe vela, probabile mihi eſt: quod & Joſephus, *lib. 7. & antiq. cap. 2.* cenſere videtur. Et Ophira abſque dubio ſic adpellata fuit, ab Ophir (*אֹפִירָא*) filio Jektan, ex poſteris Semi, cujus *Genef. cap. 10. verſ. 29.* mentio fit: quique, Joſepho teſte, *lib. 1. antiq. cap. 7.* unâ cum fratribus ſuis, ſedem conſtituit in Oriente, & à Cophene fluvio Indiâ, ad Aſſyriam uſque habitavit. In ibi regionem Ophiram, auri diſſiſſimam fuiſſe, ejuſque aurum, puritatis nomine principem tenuiſſe locum, credibile eſt; & indè non Hebræis ſolùm, Ophira per translationem, quamcunque auriferam regionem designare; ſed & aurum bonum, atque defecatum, corruptè obryzum, quali ophirizum, indigitari cœpit. Salomonia ideoque claſſis ad terram Ophiriam demiſſa; Taprobanem, Malacham, auream Cherfoneſum, aliaſque Orientis auriferas adpulit terras. Nec etiam probabile valdè eſt, ut Indiâ Orientali, auri diſſiſſimâ relictâ, ad illam Occidentalem, per tot ſpatiorum millia claſſis mitteretur; ad eam præſertim regionem, cujus per continentem nulla notitia potuerit haberi. Et de hoc itidem teſtis eſt Acoſta *lib. 1. c. 13.* nomen Peru novum, nec ipſis illius terræ incolis cognitum eſſe: & item quid ac ubi Pervajim inveniatur, doctè Franciſcus Junius enodat: in *not. ad cap. 3. verſ. 6. lib. 1. Paralip.* & item Clariſ, Buxtorff. amicus meus, in *Lexic. Hebr. verb. Parvajm. fol. mihi 614.*

7. Famofa

*Goropius Becanus*, in *Hiſpan. lib. 6. ad fin. & lib. 7. latè poſt Genebrardum Morinus*, de veritate Religionis, *cap. 26. fol. mihi 16. Schmidius*, de Atlant. *f. 261. Dn. D. Lantius*, in *Cōſultat. de Provinciis. Europæ prærogativâ Orat. pro Hiſpan. fol. 210* aliisque locis pluribus, quæ indicat Index verb. Ophir. *Neander* in *Forbis Tertz explicat. part. 1. A 7. Salmon*, ſuprà dict. loc. fol. 51. & c. *Acoſta. 1. c. 13* & ſeq. *Schmidler*, in *Lexic. pentaglott. fol. 112. Beerman*, in *Orig. Lit. Ling. verb. Obrizû. Guſt. Poſſellus*, de Originibus, *cap. 21. ad fin.*

7. Famofa porro navigatio est Hannonis Carthaginensis (de qua pluribus, Mariana, *hiflor. Hispan. lib. 1. cap. 21. & seq.* ut & Iambuli Græci mercatoris, cujus Diodorus Siculus mentionem facit. *lib. 2. Bibliothec. n. 55. &c.* Veruntamen omnes illæ Indiam Orientalem, non de quâ nunc fermo est, Occidentalem versus directæ fuerunt. Nec etiam errores Menelai, & eam navigatio Endoxi (quo de utroque Strabo disputat *lib. 2.*) ad alias, quàm Africam, & quasdam Indiæ orientalis Regiones pertigisse comparet: *add. Plinium. 2. cap. 57.* secus ac eruditissimus Walchius putat *Sapè laudato loc. fol. 260. & seq.*

8. Sunt qui Americanos ex decem Israelis tribubus deducant. Vid. Claude Duret, *hifst. de Lang. cap. 78. fol. 933.* Libro itidem Efdæ 4. *cap. 13. vers. 40. &c.* subsequencia inveniuntur verba: Hæ sunt decem tribus captivæ abductæ à terrâ suâ, diebus Holschehæ Regis, quem captivum abduxit Schalmánafar Rex Assyriorum; quæ deportatæ cis flumen, postea deportatæ sunt in aliam terram. Ipsi autem sibi hoc consilium ceperunt, ut dereliquerent multitudinem gentium, profecti in ulteriorem Regionem, ubi nunquàm genus humanum habitavit: ut ibi observaret legitima statuta, quæ non observaverant in regione suâ. Per introitus autem fluminis Euphratis angustos introierunt. Et in eam Regionem perventuris, fuit via magna, iter unius & dimidij anni: regio autem illa Harfcharet vocatur. Tunc habitaverunt ibi ad ultimum usque tempus. Athæc, vel apocrypha, vel vana sunt. neque enim dubium est mihi ullum, quin quartus ille Efdæ liber, multa aliis optimæ notæ comprehendens, quàm plurima quoque admixta habeat ab alienâ manu. (de autoritate huius libri 4. Efdæ, vide Bibliandrum, in *Somnio Efdæ, fol. 7.* Jacob. Cappellum, *vindicarum pro Casaubono. lib. 2. cap. 5.*) Quin & licet ibi vera Historia recenseretur: attamen ad Americam hanc eam referri posse, exindè non difficulter colligere quimus; quòd Iudæi tenacissimi sunt tam linguæ, quàm ceremoniarum Hebraicarum. Quarum ne vestigium quidem ullum eò loci reliquum est: cùm tamen earum conservandarum causâ, Iudæos illos se ab aliis separasse, ipse commemoret Efdas.

9. Alij itidem adhuc inveniuntur, qui jam olim in Insulis illis, ab Hispanis recensèndis indagatis, Christi nomen annuntiatum fuisse, putant: cùm monumenta fidei Christianæ, in terris sepulta, fodiendo fuerint reperta; ut Oforius in *hiflor.* prodit. Marinæus item Siculus, in Hispanico Chronico contendit; loca ista, quondam etiâ à Romanis perlustrata fuisse: ex eo, quòd numus antiquus, Augusti Cæsaris effigie notatus, in aurifodinis sit inventus, missusque in rei fidem ad Summum Pontificem, per Archiepiscopum Consentinum. Quod equidem ferè tam

Vide *tractatū. ejus in inscriptione*  
*Discours sur la navigation d'Hanno, dressée par un pilor Portugais, ut & le Discours de Seign. Johan. Baptiste Rhamsius, sur la navigation de Iambol Grec.*

"Vid. *Acq. d'ib. 1. cap. 23.*

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

*Abbatu de-*  
*monstrat An-*  
*richristi. c. 5.*  
*fol. 110. &c.*  
*Philippus Ni-*  
*colai, lib. d. Re-*  
*gno Christi,*  
*suprà laudato*  
*loco, longo sty-*  
*lo. Bertini, in*

E facile



Tabul. in de-  
scriptione A-  
mericæ, fol.  
621. *Lipsius* Phy-  
siolog. Sroic.  
lib. 2. dissertat.  
19. fol. 125.

facile refutari potest, quàm dicitur speciosè. Mirum est, numum uni-  
cum repertum esse; præterea vestigium nullum: mirum amplius, nu-  
mum illum in aurifodinis latuisse; nullum postea eductum unquam.  
Historiam narrabo, à Bertio verissimam judicatam; ex quâ judicare li-  
cet, annon fucus aliquis subsit, sub Augusti numo, vel etiam sub lapidi-  
bus illis, quibus figura crucis insculpta, quæque in Americâ reperta fu-  
isse, perhibentur? Circa idem propè tempus, quo Emmanuel Portuga-  
liæ Rex, orientalem Indiam subegit; Ulyssipone, in Poeticâ laude flore-  
bat Hermicus Cajadus: is carminibus Latinis, commentus est Sibylli-  
nam vaticinationem, columnis marmoreis incisam; quâ per ambages  
significabat, sub imperium & ditionem Lusitanorum, Indos aliquandò  
perventuros. Lapidem eos, datâ operâ detruncans (ut aliqua inessent  
vestigia antiquitatis) in promontorio quodam, prope oppidum Syntam,  
obtrui præcepit. Ubi verò marmora defossâ, vitium aliquod fecisse, ex  
humore terreno judicavit; ad certam diem invitat amicos in villam suam  
quæ loco proxima fuit, ubi vaticinium occultatum erat. Quùm igitur  
accubissent omnes, ecce Hermico nuntiatur, in fundo fossionibus in-  
cumbentes in lapides incidisse, quibus litteræ inscriptæ essent, indices  
magni Thesauri; sic enim rustici opinabantur. Nec mora, simul omnes,  
ingenti alacritate, relictis epulis accurrunt, columnas defossâs intuen-  
tur, confestumque extrahi jubent. Legebantur postea carmina Sibyl-  
lina.

*Volventur saxa litteris, & ordine restis,*

*Cùm videas Occidens.... Orientis opes:*

*Ganges, Indus, Taguserit, mirabile visu,*

*Merces commutabit suas uterque tibi.*

Tùm verò omnes pro se quisque versus illos fatidicos admirari, eosdè  
curare describendos, perferre Ulyssiponem, totique porro ostentare  
mundo. Aliquid fortè simile accidit iltiufmodi fugitivo Augusti numo!  
Illud (si modò verum) mirum magis videri posset, quod pro vero Hispa-  
ni scribunt, & ex iis Lipsius refert: *diff. dissertat.* 19. In valle quâdam  
Provinciæ Chili, oppidum esse, quod Imperiale ab hac causâ indigite-  
tur; quoniam in plerisque domibus & portis, aquilas repperunt bici-  
pites formatas, ut hodiè videmus in Imperij Romani signis. Et auget  
admirationem, quòd nulla iis in locis avis sit biceps, quam potuerint  
adumbrare. Sed nec id me permovere potest, ut idèd Romanis hæc  
terras adscribam, nimidum enim recens est Aquilæ bicipitis inventum;  
& tùm si America cognita fuisset, haut ea potuisset in tam clarâ Historiæ,  
litterarumque illius sæculi luce nos latere.

10. Veruntamen nil obstantibus hactenus adductis, verissimum omnino mihi videtur; Insulas, adjacentemque novi illius Orbis continentem, & olim multa ante secula Orbi nostro non planè incognitam extitisse: nec (ut Salmuth in not. ad novæ reperta Panciroll. cap. 1. fol. 53. Acoſta lib. 1. cap. 11. Iacob. Martini, Philosophus Wittebergenſis, Diſputat. Miſcellan. fol. mihi 599. alique reputaverunt) in secreto Divinæ tantummodò mentis hucusque latuisse. Est etenim apud Platonem, in Critia ac Timæo (ut & in Plutarchi Solone) memoria vetustissimæ Insulæ Atlantidis, aded magnæ, ut Aſia atque Africa ampliore esse scribat. Ac eandem ita describit; ut mihi videatur non locum esse dubitationi, quin Orbis hicce novus, aut pars, aut ipsa sit Platonica illa terra. Primò enim facit, locatque Insulam istam grandem, ad fauces Gaditani maris, Insulam illam magnam, statim ab Hispania fuisse, ubi etiam hodiè adhuc (postquam illa illuvione perit) jeius velut fragmenta superſunt: Canariæ Fortunatæ, ac si quæ alias tota Africæ ora, & interior, Insulas habet. Ex illa porrò, memorat Plato, transitum in Insulas fuisse (eas putà, quæ nunc quoque præacent continenti; Cubam, Hispaniolam, Iamaicam, & plures) at ex Insulis in ipsam continentem: nempe vel in Peruanum vastum tractum, vel in vastiorem Mexicanum. Aut, si terræ spatium ita magnum, undis absorptum fuisse negas: accipe ea omnia de pelago oblivioni (ut quoque placuit Postello, in libr. de Originib. cap. 9. fol. 35.) quod certè orbem hunc cognitum aliquandò absumpsit, & vix vestigia aliqua ejusdem, apud pòsteros reliquit. Ut ut contra hæc disputent viri gravissimi multi, non tamen satis refelli possunt; cùm experientia fecerit notum, ea quæ hisce de rebus Plato ex fide Ægyptiæ Historiæ narrat, cum Indiis nostris convenire. Praterèa Proclus, Marcelli cuiusdam Æthiopicæ Historiæ adducit, in quibus hæc ead. manifestissimè confirmantur; Æthiopumque rebus gestis inserta fuisse, produnt. Marfil. Ficinus. in Argum. Critiæ. Ac forſan ex Atlantidis apud Ægyptios, quæ reliqua memoria fuit, evenit; quidd (ut Ammianus Marcellinus notat, lib. 17.) in Obeliscis eorum sculpta inveniuntur, volutæ, ferarumque etiam alieni mundi, genera multa (vid. Postellum, diſt. cap. 9. ubi tradit, etiam Indos Occidentales hieroglyphicis vti: quod & notat Claude Duret, tract. de Langues, cap. 79. fol. 244. & seq.) Non huic dissimile est, quod Aelianus, var. h. stor. lib. 2. cap. 18. refert: Midam Phrygiæ Regem, à Sileno didicisse; Continentem unam, extra mundū hunc, & magnitudinem infinitam, immensamque esse. Plutarchus pa-

Gregorius, in Orig. Antuerp. in Nilivæ scopio suo. L. 1. p. 1. Scioz Payſiolog. libr. 2. diſſertat. 19. Lant. Epist. Medic. libr. 1. Epist. 63. lob. Thomas Freigius, in deſcript. navigat. Martini Forſib. ſeri Angli. Bernh. Aldre. ca. lib. 4. cap. 17. Schm. diuſ, d. Inſul Atlant. f. 253. & ſeq. Dn. D. Lanſius Cōſul. J. Principatu Provin. ciar. Europæ. Orat. contra Hiſp. fol. 331. & ſeq. Vander. Myl. tract. de Lingua Belgi. ca, cap. 25. Michel. Scagn. de Montaigne, t. des Eſſais cap. 30. à prin. Frier. Lumnus, in tract. de vicin. car. extremi Iudicij, lib. 1. cap. 12. & lib. 2. cap. 1. 4. & 5. Add Eugubin. Streuchum, d. p. ren. Philoſoph. lib. 7. cap. 5. ad fin. Kerkman. in Contemplat. d. c. 1. moru. fol. m. 225. Salmuth. Szep. riter,

riter, in *tr. de Imagine*, quæ in Luna adparet, aliquid narrat; quod hûc facere posse, putem: sed tenebricosum id est, qualique sub crepusculum videntis, & vix ita clarum adparet, quàm ea ipsa imago Lunæ, de quâ ibi agit. Introducit is nescio quem Philosophum Syllam, familiarem suum, narrantem quædam fabulosa; sed umbram qualem qualem habentia veri. Dicit, à Britannîa dierum quinque navigatione, Occidentem versus, Ogygiam Insulam jacere, & ultra illam, alias tres in quarû unâ Barbari fingant, à Jove captivum detineri Saturnum. Supra Ogygiam, stadiis quinquies mille, & item supra Insulas alias spatio minore, quandam esse maxumam terram continentem. Hæc & cætera, quæ ibi subsequuntur, Occidentali Indîæ aptissimè Abrah. Vander-Mylius accommodat, in elegantiss. de Linguâ Belgicâ tractatu. *cap. 25. fol. 106. & seqq. multu*. Sic & princeps, ac antiquissimus Poetarum Homerus, *lib. 1. Odyss.* duplices Æthiopus facit; Orientales, & alios adhuc Occidentales: ac ad utrosque invisendos, sacrumque eorum convivium adeundum, Neptunum profectum fuisse fingit. Et licet nonnulli sint, hanc qui Æthiopum divisionem, non de distantia terrarum, sed de transitu Nili fumant: ratione cujus alii cis, alii ultra habitantes, Orientales & Occidentales dici queant: non desunt tamen eruditorum interpretationes, qui Æthiopus Orientales, eos qui sub Ægypto sunt, dicunt; sive sive ultra cis Nilû sitû inveniantur: Occidentales verò eos, qui in Atlantidis Insulâ (quæ nostra America est) habitârunt. Quæ sententia, & olim Cræteris fuit, ut legitur apud Strabonem, *lib. 1.* Quin & Plinius, *Natural. hist. lib. 6. cap. 31.* in Atlanticâ, Æthiopus Hesperios locare videtur: & eadem in Insulâ, Neptunum fuisse cultum ait, quem nimirum Homerus ad convivium sacrum Æthiopum utrorumque, utpotè suorum cultorum, profectum dicit.

11. At ne prisca fabulas consecrari tantummodò videamur: recentiora, & verè gesta recensere lubet. Quæso, quid aliud, quàm Insula quædam America vicina fuit, cujus Aristoteles, suprà à me, *num. 3.* laudato loco, mentionem facit, & quam ipsam, vel ei sanè vicinam, Dioscorus Siculus, *lib. 5. num. 19.* ita describit. Africam versus, per magna quædam Insula, in vasto Oceani pelago jacet, dierum complurium navigatione, à Libyâ in occasum declinans. Frugiferum ibi solum, cujus pars magna, in montes assurgit, nec exigua sese in campos expandit: quæ etiam amenitate præcellit. annes enim navigabiles per illam decurrunt, à quibus humectatur. Frequentes ibi Paradisi, variis arboribus confiti, & pomaria innumera, dulcibus aquis interfecta: villa etiam sumptuosius adificiis exornata, & compotioria in hortis tabernacula, floridopassum dispositu occurrant. Tantâ denique felicitate excellit, ut Deorum non

non hominum habitaculum esse videatur. Olim, propter remotiorem  
à reliquo terrarum orbem, incognita erat; sed hæc tandem occasio-  
ne reperta fuit. Phœnices à vetustissimis inde temporibus, crebras mer-  
catuæ gratiâ navigationes instituerunt. Ac primum juxta ipsum ad Co-  
lumnas fretum, in Europæ peninsulâ, urbem posuere Gades nuncupa-  
tam; hæcque ratione, investigatâ ultra Columnas orâ, cum litora Atri-  
cæ legerent, ventorum procellis, ad longinquos in Oceano tractus ab-  
repti sunt: per multos tandem dies, vi tempestatis, ad Insulam (de quâ  
jam dictum) adpulerunt, naturamque ejus & felicitatem, à se primitus  
cognitam, in aliorum deinde noticiam perduxerunt. *Hætenus Diodorus.*  
Solinus item, *Polyhistor. cap. ult.* & Plinius quoque refert. *lib. 6. cap. 31.*  
Iubam, exquisito Atlantico mari usque in oceanum, etiam Gorgonum  
Insularum meminisse; ultra Gorgonas, Hesperidum Insulas, dierum  
quadraginta navigatione, in intimos maris recedere sinus. Insulas For-  
tunatas (quæ ita aliæ ab Hesperidum Insulis sunt) contra levam Maurita-  
niæ jacere.

12. Clemens porro, discipulus Divi Petri, in Epistolâ quâdam, O-  
ceani mentionem facit, & Mundorum qui trans ipsum existunt: ita  
Sanctus Hieronymus ex eo citat, *tom. 9. ad cap. 2. Epist. ad Ephr.* Ac quo-  
que Origenes, *periarchon lib. 2. cap. 3.* ut & Eusebius, *de præparat. Evan-  
gel. lib. 15. cap. 50. 54. & 56.* Mundos ob magnitudinem, ut credo, adpel-  
lavit. Et de iisdem quoque terris, quis non accipiet lubens? quod ex a-  
liorum sensu recenset Avitus Declamator (apud Senecam, *Suasor. 1.*) dū  
ait: Fertiles in Oceano jacere terras, ultraque Oceanum rursus alia li-  
tora, alium nasci orbem. Clarius, si nostra tempora inspiciamus, vix po-  
tuit effari, aut designare; quamvis tūc Avito ridiculum id fuerit vltum:  
ideoque addit; Facile ista finguntur, quia Oceanus navigari non potest.  
Palam etiam Seneca ostendit, *quæst. Natural. lib. 5. cap. ult.* Reges magnos,  
gentesque ignotas, ultra maria esse; & timet etiam, ne aliquando in no-  
strum excurrant orbem. Nulla, inquit, terra, tam longè remota est,  
quæ non mittere aliquod suum malum possit. Undè scio, an nunc ali-  
quis magnæ gentis in abdito dominus, fortunæ indulgentiâ tumens, non  
contineat intra terminos arma, an paret classes ignota moliens? Et hæc  
sanè Indis Occidentibus venerunt, ignarissimis Hispanorum. Maro itidem  
terræ illius mentionem facit; & vaticinatur, etiam Romano Imperio eam  
subjiciendam. *Æneid. 6.*

— lacer extra sidera tellus,  
Extra anni, Solisque vias; ubi cælis fer Atlas  
Axem humero torquet, stellis ardentibus aptum.

E 3

Extra

Extra sidera, quòd eam locat, Planetas intellige, qui intra Tropicos decurrunt: & ided, velut interpretans addit, extra Solis & Anni vias. Ergò ultra torridam ponit, ac quidem Austrum versus, & *ad 23<sup>am</sup>* nobis. Sic & quod de Atlante scribit: haut de illo Africæ est accipiendû, sed eo, quem Plato celebravit; quemque isti in locis regnavisse refert. Addatur Claude Duret, *hiflor. des Langues*, cap. 78. fol. 932. vbi plura testimonia habet.

13. At tandem nunc sub manu nascitur nobis, disputatio admodû intricata; ex quânam gente, ex quâ item terrâ, quovè tempore, homines, & animantia etiam: reliqua, pervenerint in illas regiones? Nil certè ex doctrinâ Divinâ (*Genf. cap. 9. vers. 19.* certius est, quàm Indos illos Occidentales, non *difcor. 3<sup>os</sup>*, aut etiam *difcor. 1<sup>os</sup>*; sed ex aliqua Orbis nostri parte ( & etiam post diluvium univerfale ) eorum stupem ed translationem esse. Antiquis sanè fuisse cultam, neque paucis retrò seculis habitari cœptam; tum alia permulta testantur, tum potissimum ratio Imperij constans, atque certa, urbium, & viarum superba structura, ædificiorum splendor: quæ omnia, cum apud illos fuerint summa, necesse est primum exigua fuisse; è minimis autem ad maxima trahi nequiverunt, nisi temporis longiori mora. Hortus inibi Regius fuisse fertur; in quo herbar, arborefque cum suis truncis, ramis, fructibus, ex solido auto, eâ mole stabant, qua in pomariis vivæ. Fertur & Regium fuisse conclave, in quo omne animantium genus ex gemmis erat; opere partim segmentato, partim cœlato, partim etiam ex plumis variè conferto. Sed & antiquitatem cumprimis testatur id, quod de duabus Regiis referunt viis: quarum altera per planitiem camposque strata; ab urbe Peruana Quito, ad civitatem usque Cusco, miliarium quingentorum spatio excurrit: augens ejus decus, lapidum & saxorum stupendæ moles, non equis aut bobus (nam illis caruerunt) sed humanis solum manibus aggestæ. Per itinera etiam disposita fuerunt diverforia ampla, splendida, amœna; quibus regius omnis comitatus recipiebatur. Vias hæc Guinacava Rex (qui non diu ante Hispanorum adpulsum vixit) perpurgari, parietes ruinosos restaurari, exornarique fecit: opus aliàs ipsum, vetustissimum judicatur. Exindè quoque convinci posse puto, jam ante secula multa, terras hæc cultas, & ab hominibus inhabitas fuisse, quia inibi ædificiorum ruinæ magnitudinis admirandæ, & item Gigantium ossa inveniuntur: ut Acofta, *lib. 1. cap. 19. fol. m. 39. & cap. 25.* attestatur. Quales homines jam olim, multorum ante annorum spatia fuerunt, & mundo ad senium vergente defecerunt: quod & notat Esras *lib. 4. cap. 5. vers. 52. & c.*

14. Adhæc verò ita arbitror habendum; non calû, tempestatibus, yè in ytos jactatos (id, quod tamen aliqui putant) primos habitantes in

*Bertini*, in tabul. conuast. ubi de Americâ agit. *Ac de Magnitudine, admirandæ, quæ Imperij Mexicanæ &c. multa habet Guyon*, tom 3. d. divers. leçons sparsim.

Vid. *Acoftam*, lib. 1. cap. 19. & seq.

occiduas

Et vide B.  
Augustinum,  
lib. 1. de mirabi-  
libus Scripturæ  
cap. 5. & seqq.

occiduas Indias, velut è naufragio emerfisse. Ecquis enim animalia illa, quæ novus orbis habet, & quidem noxia multa, illuc transportavit? Unde quæso factum, ut animalia nobis nota, non habeat iste orbis; nos vero prorsus careamus illis, quæ inibi inveniuntur? namque alias ibi, ac apud nos animalium species esse, multis Acolta, lib. 4. cap. 33. ac seqq. docet. Non ideoque quod Bernhard. Aldrete. 4. cap. 17. ad fin. fol. 567. prodit, fidem mereri videtur; Hispanos primùm terras illas incolis replevisse, & proinde jure nunc in iisdem dominari. Obstat etenim oceanus interjacentis immensa latitudo. Et sanè minùs credibile videtur; Platoniam Atlanticam, vicinam quondam Africæ & Europæ extitisse, ex eaque in novum porrò orbem incolas transiisse; ut quidam Lipsius censet. *diſt. differt. 19. ad fin.* Mihi potiùs ipse novus orbis, Insula Atlantica est, oblivionis, non aquarum gurgite, ut & suprà num. 10. monui, absorpta.

15. Omnino ergò, planèque necessarium est, terrà, vel per angustius aliquod fretum, homines illuc transiisse: & eos insuper, Scythicæ, seu Cymbricæ originis fuisse, rectissimè credo. Filio Noachi Iapheto, dilationem promissit Iehova, *Genes. 9. vers. 27* Et hoc est etiam etymon nominis eiusdem, *יֶפֶת* namque ex usu Chaldæo atque Syro (*יֶפֶת*) latus atque amplius fuit, notat. (Quod & placet Chaldæo Paraphrasta. vid. Drusium, ad loca *Genes. cap. 6* & *Dn. Buxtorff. in Lexic. verb. יֶפֶת*) Benedictio certè hæc, certissimum habuit eventum. Notum etenim est, totam Europam, Iapheto & posteris ejusdem obvenisse majorem idè Asiæ partem. Nempe peninsulam illam grandem, quæ ab Illico sinu, Trapezuntem usque pertingit; amplissimos itidem terrarum tractus, à Cappadociâ, & Armeniâ, à Mediâ & Parthiâ item: ab Indo porrò, Scythiarum, Sacarum, Serumque provinciis & à Sinis quoque (scilicet Chinis, ut Lusitani, qui sibilum nequeunt exprimere, pronunciare solent) ad ultimas Orientis metas. Indè sursum versus, ad ipsum usque Polum: universam, inquam, hancce plagam septentrionalem, cujus maxuma pars Tartaria, sive Magni Cani Imperium hodiè indigitatur, Eoo, Indicoque mari terminatum. Quum ideo Sacæ seu Scythæ, semper multitudine hominum abundarint, solique pariter omnium nationum, frequètibz migrationibus fuerint assueti, & sanè ex Asiâ in Europam populi ab omni ævo sic influxerunt, ut proximius priorem, perindè atque unda undam protrudere viderentur idè & plusquàm probabile profectò est, ab indè etiam Indiam Occidentalem colonos accepisse. Res nimirum certissima est, gentes universas, ex hac, quæ nos incolimus continente, in quaslibet Orbis terrarum plagas, tanquàm colonias, initio fuisse deductas. Hinc itaque America primùm incolas acceperit necesse erit.

Atqui

Nicol. Fullerus,  
Miscellan.  
Theolog. 2. cap  
4. Vander-Myl.  
de Lingua Bel-  
gicâ, cap. 25. &  
ibi in addit. fol.  
245. *sepeb. A-*  
*colta. l. 6. 24.*

Atquæ omnib; tractibus nostræ continentis, aptissimus longè est, Iaphe-  
ticus iste: sive jam Scythicus, Sarmaticus, Cimbricus, aut Cimmericus;  
vel quo alio nomine censeatur. Non quippè solum (ut retuli modò)  
plenus ille semper fuit innumeris examinibus populorum, qui item ro-  
bustissimi, audacissimi, & confidentissimi omnium nationum exitirè;  
quique intrepidi, & animis præsentibus, quodvis periculum subire pa-  
rati essent: sed & insuper isto idem tractus, quàm minimùm remotus est  
ab Orbe illo novo. Contrà omnes continentis istius partes, quæ ad  
Meridiem vergunt, mari undique immenso, ab Indiâ Occidentali sub-  
moventur: & populi ipsi timidiore, minusque bellicosi, nec unquam  
migrationibus allueti; sed placidâ potiùs quiete, regionum amœnitate,  
& beatâ rerum quâ fruebantur copiâ, delectati, stabiles, & quasi sedi-  
bus suis adfixi mansisse leguntur. Sati: ergò nunc apertum esse vide-  
tur: Americanos à Iapheticâ terrâ, id est, Septentrionali hocce tractu,  
in illam longè amplissimam regionem, & verè novum Orbem concess-  
isse: seculisque sequentibus ulterius etiam (suâ sponte, vel à finitimis  
fortioribus pulsos) freto Magellanico superato, in climata Australi polo  
vicina processisse. Nihil quippè impedièbat; quum fretum illud mirè  
angustum existeret: utpotè alicubi unius, & per paucorum alibi leucarum;  
ut attestantur, qui id perlustravère. Et ut planiùs adhuc meam expli-  
candam mentem; ex Septentrione Orientaliori, in Americam homines per-  
venisse puto. Nam etsi commoda satis eò, per Thulen accessio foret;  
Cimmerica tamen soboles, quia paulatim progrediendo, in Thulen, &  
alias ei proximas insulas, seriùs est delata; & citiùs ab hominibus Ame-  
ricam exitumem occupatam: non eos exindè huc concessisse puto. Asia  
verò, ut cæteras omnes Mundi regiones; sic & Americam, illâ quam  
monstravi viâ, primis suis hominibus, ut mihi dubium non est, instru-  
xit. Homo primus in Asiâ creatus: è familiâ Noachi, tanquàm semi-  
nario, mundus secundus in Asiâ repullulavit. Continens illa maxumè  
vicina Americæ, & ex eâ, brevissima etiam trajectio est: inò, ut Eliud  
Nicolai In der Relation von Ost: vnd West: Indien, multorum testimo-  
niis asserat, nec ullum interiacet mare, meræque fabulæ sunt, quæ de  
freto Antian, hætenus credita fuerunt. Et certissimum esse, Marcus  
Wellserus Boicar. lib. 1. ait; eas regiones, prius cultas fuisse, quæ Arme-  
niæ montibus sunt viciniore; ac etiam aditu faciliores: & item antiquo-  
rum profectiones, terrâ & pedibus, non mari & classè susceptas fuisse.  
Hisque valdè conveniunt ea, quæ commemorat Antonius Galvanus  
(generosæ stirpis Lusitanus, quique diù apud Moluccenses cum pote-  
state fuit) in quodam, de Inventoribus Novarum terrarum libello: Chi-  
nenses

nenſes nempè ( quos ille Tabencos vocat ) vehementer affirmare, ſeſe omnium primos, in longinquas Orbis regiones navibus trajeciſſe, & maximè inſuper Scythiæ parti, olim fuiſſe dominatos. Inſuper, à Chinenſibus hiſce Tartariſ, aut Orientalibus Scythis, repertam, & incolis repletam fuiſſe regionem Americanam; jex eo quoque prout credibile videri ait: quòd ejuſdem nationes, & moribus, vivendique ratione, & corporis quoque totius ſilo ( oculis videlicet parvis, naribus ſimis, & adhuc proprietatibus alijs ) perſimiles Chinenſibus exiſtant. Probabilem adhuc ampliùs reddit coniecturam meam; quòd interiora & mediterranea Indiæ occidentaliſ magis, quam maris littora exulta fuerunt: quia ſcilicet illa terreſtri tranſitui ex China viciniore. Ita enim Hiſpani, qui primo appulſu in luſtra & mapalia, humileſque inciderant caſas; ubi penitus ſunt ingreſſi, florentiſſimas, populofiſſimasque civitates invenerunt, & alia adhuc plura, quæ quicquid Antiquitas noſtra jactavit, aut mirata eſt, longo intervallo ſuperare dicuntur. Vid. Philipp. Mornæum, de veritate Religionis Chriſtiane, cap. 8. fol. mihi 133. &c. & ſuprà me num. 18.

16. Quin & linguam Americanam, neſcio quid Cimbricam, ſeu priſcum Teutonicum reſonare, ſunt qui dicere auſint. Vox Papa, nobis Europæiſ communis eſt cum Americanis. Idem Idola, Deoſque ſuos, Pagodi vocant. Becanus ſanè diceret, ſic eoſ dici, ex Cymbrica originatione, quaſi reconciliabileſ Deoſ; Pay namque reconciliatio eſt, God Deus. Eſtque Papa vox generalis pro Patre. Bignonius in notis ad veteres formulas. Guairas ipliſ ſtabella dicuntur: Cimbrî Waciers ( Wäher ) eadem vocant. Topoſ tegmen capitiſ illiſ eſt; à Top quod verticem ſonat: adderet certè Becanus & Hoſ; quod tegmen eſt femoriſ aut cruriſ. Lama ipliſ oviſ eſt; nobiſ etiam ſamb agnuſ. Et qui ex illo redeunt orbe, alia ſimilia obſervâſſe dicuntur. Academiſt Bibliander, Poſtelliſque teſtimonio firmat, Punicas non ſolùm voceſ quampluriſimas Americanæ admixtaſ dialecto, ſed & Latinas: ut Homo, hape, ibbo; quod eſt, homo, habere vel capeſſe. Inveniri & Græcas, quod dux ad ſonant, hoc eſt, onerariam navem: cui & Belgicum Duſc, eadem congruit ſignificatione.

17. Nunc tandem, ſi per continentem, aut fretum aliquod anguſtum, ex mundo veteri, in novum illum homineſ pervenerunt; omniſ diſputatio removeretur, quæ eſſe poteſt de tranſitu beſtiarum. Nec impedit, quòd alia ibi animalia, feraſque beſtiæ, ac in Orbe noſtro. Cuique etenim regioni, pro cælo, atque etiam ſolo, ſua quædam animantia, jam ab initio aſſignavit Deus. Sic & pariliſ ſerè in Africâ, & Aſiâ extre-

F

mâ di-

Vander. Mylen  
d. ca. 25 à princ.  
& ad fin. Geſner  
in Mithridat.  
cap. 3. Addi po-  
teſt. de Lingua  
Indorum Occi-  
dental. Claude  
Duret. de l'hi-  
ſtoire des Lan-  
gues. cap. 78.  
& ſeqq. pr-  
ſertim fol. 934  
& c. 954. & c. ubi  
quoque alia ad  
hunc noſtram  
diſſertationem  
ſpectantia le-  
ctione digniſ-  
ſima inveniun-  
tur.  
Acoſta, lib. 1. c.  
21. Lipſius, ſæpè  
diſt. diſſert. 19.  
fol. 125.



mà diversitas est: non Leones, non Tigres, non Elephantes, Europa nostra gignit, aut alit. Quin & pisces in mari variantis sunt naturæ, qui hic, vel alibi capiuntur: ut quoque aves.

## DE CHRISTOPHORI

BESOLDI, ICTI

ORBE NOVO,

Carmen Responsi:

MELIORIS SCIPIONIS, ECCLESIAE VAHINGENSIS

Pastoris, &amp; vicinarum Superintendentis.

3. Quò puerum hunc CHRISTVM tanto molimine portas,  
*ista per horrendi flumina magna Maru?*

Formosum hunc puerum vis per Mare ferre profundum

CHRISTOFERUS verè Maximus alter eris.

Magnum opus aggredieris, multà Virtute parandam

*Laudem onerù tanti, difficilisque via.*

Quicquid ages tandem, sunt omnia plena periclis,

*Tellus non gravius pondus onusvè tulit.*

Hec opus, æsculeo vestigia robore firmes,

*Signa via & monstres lampade certa Senex.*

B. Non Onus hoc reputo, non hæc discrimina Ponti

*Horreo, non savi murmura dira maris,*

Ferre per Ignotos populos Athlantis ad oras,

*Perq, Poli oppositi (quotquot ubiq,) locos.*

Ferre per Oceanum, maria omnia, & undique pontum,

*Hunc CHRISTVM: hac nostri meta laboris erit.*

„ Insula si qua jacet terris incognita nostris,

„ *Lustranda huic puerò est:* Tunc novus Orbis erit.

Non moror ingrati Stipendia lubrica Mundi,

*Non suffragantis plebis alumnus ero.*

Respectans humeris puer hic respondit ab illis:

*Non Onus hoc grave sit, sed labor iste levis:*

Sum Protector ego tuus, & tua maxima merces,

*Sum Clypeus tuus, & pars tua magna nimis!*

5. Non ego te miror veteres dixisse BESOLDVM;

*Si Puer hic tua pars; Crede BESOLDUS eris.*

Ergò

Ergo age sic verè semper dicere BESOLDUS;

*Per mare qui CHRISTVM ferre paratus eras.*

Perge bonis Ventis, puer immerfabilis undis

*Fertur; & in medio flumine tutus eris.*

## CAP. V.

## De Pacificâ, seu Voluntariâ Imperij Amplificatione.

**A**mplificatio ab externo quæ fit; vel est voluntaria, vel violenta. Ad illam spontaneam refero exteriorum oblationem: quâ Cyri Regnū crevit; Xenophon 1. *pad.* quâ Imperium auctum est Romanorum: cum plures exultimarent, melius se sub eorum potestate vivere posse, quâ in sua libertate. Livius, *lib. 4.* Et ita Capuani; licet propter civitatis nobilitatem, propter agri fertilitatem, primum post Romanos locum in Italiâ obtinerent: Romanorum tamen amicitiam & auxilium adversus Samnites, cum impetrare nequirent, iisdem se dediderunt. Livius *lib. 7.* apud quem Princeps legationis: Quandoquidem, inquit, nostra tueri adversus vim atque iniuriam iustâ vi non vultis, vestra certè defendetis. Itaque populum Campanum, urbemque Capuam, agros, delubra Deum, Divina, humanaque omnia, in vestram, Patres conscripti, populique Romani ditionem dedimus; quicquid deinde patiemur, dedititij vestri palluri. Romani etiam civitati suæ plurimas Civitates socias adiunxerunt, sibi tamen Imperium & potestatem reservantes. vid. Machiavell. 2. *Discurs. 4.*

II. Nonnullis quidem, Emptio alicuius territorij minus generosus augenda Reipublicæ videtur modus. Ita enim scribit Machiavellus 2. *discurs. cap. 30.* Nunquam cernes eam Rempublicam, aut pacem ab hostibus, aut agrum, urbemque aliquam pecuniâ comparasse: omnia armis atque virtute paraverunt. Et paulo post, Longum est recensere, quot oppida, cum Florentini, cum Veneti, pecuniâ emerint. Sed ijdem postea videntur, quàm ineptè à se factum sit; cum cernerent, quæ auto comparata essent, ferro conservari non posse. Et nihilominus apud Iohannem Scumpffium, *lib. 6. der Schwetzer Chronic, cap. 20.* iure gloriatur Respublica Tigurina; quodd plus quàm Ducatum possideat, & ferè nil non, nisi iusto titulo emptionis. Die Stadt Zürich hat ein Fürstenthumb in ihrer beherschung / vnd das alles chrltlich an sich gebracht / durch Kauff oder Pfandschafft. Talianamque illæsa conscientia possidentur

sidentur, ad quod sanè parum respicere videtur Machiavellus. Nota etiam sunt laudatissimi Ducatus Wurttembergici incrementa, per hunc modum: ut passim Dominus Martinus Crusius, Præceptor meus, in Annalibus suis deducit. Incluta etiam Ulma, sic crevit; quod notat Felix Fabri, Monachus Ulmenfis, *lib. 2. histor. Suevor. cap. 4.* Sicque ea adquisivit Castrum Helfastein, cum oppido Gislingen, & universum Dominium illud in latum & in longum, cum villis, castris, prædiis, possessionibus, & omnibus teloneis: pro quibus omnibus ingentem auxi thesaurum, Comitibus illius ditionis dederunt. In hac emptione (ut prædictus Fabri refert) practica invidorum, trinà vice, de manibus Ulmenfis fuit Comitatus ille raptus, & semper restitutus cum vacillatione quadam, quousque contractus fuit per Papam & Ecclesiam, perque Imperatorem & Electores, ac patriæ Nobiles adprobatus, sigillisque omniū roboratus. Nobilis item Comitatus Albegg, cum Castro & oppido, omnibusque adtinentijs, Iudæis, à Comitibus de Wardenberg oppignoratus fuit: ex eorumque manibus illum Ulmenfes redemerunt. Additque idem Fabri, post emptionem Helfastein, Comitissam, quæ Regina Hungariæ erat, in omni locutione, quandò mentionem de Ulmenfis faciebat, adpellasse Ulmenfes filios suos; & dum interrogaretur, quare ita loqueretur, dixisse; quia ipsi virum meum & me hereditabūt. Et invehit item in sui temporis Ulmenfes, quòd non emerint, Comitatus Kirchberg, Castrum Ellerbach, Dominium Hochberg, & Marchionatū Burghau. &c. Sed laude planè dignissimi sunt, qui operam magis dant, ut vicini non cogantur vendere sua bona. Exemplum memorabile huius rei Stephanus Pasquier habet, *lib. 5. des recherches, cap. 9. §. or à la suite.*

III. Huc pariter refero Unionem: quandò nempe ex pluribus oppidis exilioribus una magna constituitur Civitas; (cuius rei exempla cōmoda recenset Bodinus, *lib. 4. de Repub. cap. 1. num. 389.*) vel quandò Respublicæ & Regna aliquot, in unum Imperium conerescunt. Bartholomæus Musculus, *tract. de success. anomal. part. 2. §. 1. num. 17. fol. 7.* Quemadmodum etiam Castra, Iurisdictiones, Feuda, &c. uniri dicuntur. Welsenbec. *consil. 1. num. 52. & consil. 4. num. 109.* Hancque speciem Unionis, propriè, & satis bonà Latinitate, Incorporationem Pragmatici vocant. *arg. l. 3. C. de bon. vacant. & incorporat.* secus ac putavit Duaren. *lib. 5. de benefic. 6.* Et regulariter per Unionem, haut absorbentur privilegia unitarum provinciarum. Erasmi à Chokier *tract. de iurisd. ordinat. in exemptos, part. 3. quest. 22.* Sic etiam plebs, seu villa, si fuerit alteri unita, ac illa cui facta unio est, debitis fuerit gravata; creditores agere non possunt contra bona villæ haut obligatæ. Post Innocentium, Alphons.

Alphons. Moditius, in §. plebiscitum, quæst. 162. Nec item servanda sunt Statuta villæ dominantis : nisi compatible existant. Post Baldum & Felinum, idem Moditius *ibid.* & quæst. seq. Exempla varia huiusce Vnionis, ubi vis occurrunt. Sic enim crevit Imperium Romanum, hostibus veniam dando, & eosdem in Civitatem accipiendo. Casparus Facius, *polit. Liviana, part. 1. arte. 15.* Sicque Regnum Romanum & Sabinum Romulus consociavit: sed tamen hac arte rem temperavit; ut curaret omne Ius Imperij Romam conferri, ubi ipse primas obinebat. Facius, *arte. 16.* Hoc item sine Rex Hostilius Albam urbem, quamvis parentem Romæ, æmulam tamen, diruit; cum prius omnes opes urbis, ipsumque populum Romæ transtulisset: prorsus ut consanguinea Civitas non periret, sed in suum corpus rediit rursus videretur. Quod si commodè non possint dirui urbes, respiciendum erit ad consilium Arati; quo volebat Vrbes singulatim imbecilles mutuo servari, tanquam commodo publico illigatas. Facius *ibid. arte. 30.* Quod Belgæ uniti observant. Rectè de Romulo Rutilianus.

*Dumque adfers victis proprii consortia iuris,  
Vrbem fecisti, quod prius orbis erat.*

Vndè Roma communis patria fuit, Civitatibus in participatum Reipublicæ adscitis. Romanique tantum arte valuerunt; ut populos plerosque eodem die hostes, habuerint & cives. Ergo ut Vergilij usurpem verba:

———— Paribus se Legibus ambæ  
*Invictæ gentes æterna in fœdera mittant.*  
———— Si Iupiter unam

*Esse velit Tyrijs urbem, Troiaque profectis,  
Miserere probei populos aut fœdera iungi.*

At verò nil aliud exitio Lacedæmoniis, & Atheniensibus fuit, quamquam armis pollebant; nisi quodd victos pro alienigenis arcebant. Totoque cælo erravit Amilcar Carthaginensium Dux; qui hostes captivos alios occidit, alios vivos bestiis obiecit: unam tantum belli dissolutionem credens, si aliquando hostes radicitus evertere posset. Vide Facium, *diſt. tract. part. 2. cap. 8.* Sed ad recentiora accedam exempla. Lithuania cum Poloniâ unita fuit olim. Cum enim Jagello, magnus Lithuanie Dux, circa Annum 1386. Hedvigi, filiâ Ludovici Hungariæ & Poloniæ Regis, in vxorem ductâ, Sacro Baptismate tinctus, Vladislai nomen unaque Regnum Poloniæ, Baronum Regni consensu accepit. Prætereaque secum fratres quatuor, & gentem Lithuanam, confratris eius Idolis, lucisque immensis, & exemplo suo, & tunicarum in concursantem pannosam plebem largitione, ad fidem Christi convertit:

tit: ac in super Ducatum suum Lithuaniz, Samogitiz, & Kioviz, cum Alexandro Vitouudo, aliisque fratribus suis, Regno Poloniz incorporavit, & perpetuò univit. Diplomata & conditiones huius Unionis, Iacobus Prulsius habet; in *tract. de Provinciis Polonicis, & extat tom. 1. corporis Historiz Polonica, fol. mihi 171.* Qui idem auctor, *dict. tom. 1. fol. 179.* de varijs Ducatibus, cum Polonià unitis, vel uniendis, pluribus agit. adde Statuta Poloniz verbo Unio. Sicque eidem Regno, Anno Christi 1561. Livonia accessit; cum gravi ac diuturno bello, mutisque cladibus à Moscovitibus afflicta, vastata, & magnà ex parte in potestatem eorundem redacta esset, seque à servitute & crudelitate hostili diutius tueri non posset: atque ita Ordo Militum Teutonicorum in Livonià, cum floruisse Annos 357. abrogatus fuit. Bucholcer, in *Indice Chronologico.* Pariter paucos antè annos, reliqua Regni Navarreni, (le Pais de Bearn) cum Franco-Gallià, unita fuerunt: Anno nempe 1607. curante Henrico IV. aded ut in posterum nequeant divelli; indeque porrò Navarricorum Officialium nomina & munia sublata fuerunt. Rodolphus Botereius, *Commentar. lib. 14. fol. mihi. 353. &c.* Sed verò etià sub Anno Christi 1616. & Anno sequenti controversia mota fuit huic cōiunctioni, ac nempe Galli prætendebant, Regni Gallicani successorem sibi quasi desponsare Principatum matrimonio civili: dotisque habere rationem, si quæ territoria habeat prius. Regerebant Bearneses, verum id esse, de ditionibus ijs, quæ Regni superioritati subsunt, Bearni autem Principatum absolutum esse: confundique & aboliri per hanc Unionem Privilegia & Iura sua, nec sine Statuum convocatione talem innovationem, utpotè quæ ad legem fundamentalem spectet, fieri potuisse. Vide *l. 4. tom. d. Mercure François, sub Anno 1616. fol. mihi 218. & seqq. multis, & tom. 5. sub Anno 1617. fol. mihi 233.* Regnum similiter Sueciz & Scaniz, ita indissolubiliter unita sunt, atque coniuncta; ut unum de cætero Regnum debeant censerì, uniusque Regis præsidio gubernari. Exegesis Historica Depositionis Sigismundi III. Poloniz Regis, *fol. 7.* Ducatus etiam Wurttembergicus, aliquot Principatibus, Comitatibus, Baronatibus, alijsque territorijs minutis quàm pluribus cōstans; à Maximiliano I. Imperatore in unam indissolubilemque provinciam (semper ad Primogenitum quæ debeat pervenire) redacta, Ducatusque titulo splendido decorata fuit. Cum tamen nihilominus tam Statuta, quàm Privilegia, aliaque Iura, ponderum item ac mensurarum gnomon disparilis ubique esset; & hac in parte Christophorus, pro prudentià, quâ pollebat singulari, omnibus huic æquissimam dedit æqualitatem. Scotiam item & Angliam, superioribus Annis, Iacobus utriusque Regni heres univit; magnæque Britanniz Regem, se primus



primus insignivit. Et hinc Symbolum illud Regis, aureis eius inscriptum, sed à paucis intellectum: *Henricus Rosas, Regna Iacobus*. Henricum scilicet intelligit illum, qui duarum Regiarum familiarum in Angliâ, perpetuis odijs inter sedè Regno contendendum, Yorkicæ nempe, & Lancastricæ sursu unita, per matrimonium ad posterum suos propagavit: quarum una Rubram, altera Candidam Rosam, pro Insignibus Gentilitijs habebat; hæcque ratione, securitatem ac tranquillitatem Regni sui procuravit. Nicolaus Bethius, de pact. illustr. fam. cap. 8. fol. 327. & seq. OV Venus, epigram. lib. 3. num. 39. qui idem, num. 38. hæc de Unione ita canit.

*Legibus inter se varij, quâ Lege coibunt?*

*Iungat eos Regni (Lex ea Summa) Salus.*

Sed nec hæc Unio caruit difficultate, quas Ordine & ex Ordinum monitione, recenset Pier. Matthieu, *histoir. d. France, lib. 7. narrat. 1. num. 13. fol. mibi 652. & seqq.* Sed pro hæc Unione prolixè dissertavit ipse Rex Iacobus, in Conventu Ordinum Anno Christi 1603. *qua est in operibus Regiis, orat. 1. & Albericus Gentilis, orat. singular. de Unione Regnotum Britannie, idemque Rex Iacobus, in Basilico dato, libr. 3. fol. mibi 134. & seq. quæ in Unione sient observanda, monet.*

IV. Sed & quædam contra Unionem Provinciarum & Regnorum disputari possunt. Sicque in Belgio, ubi Unionem voluisse dicitur Hispanus, hoc impedijt illam, quodd subditi Unionem noluerunt: qui & noluisse potuerunt per placita conventionum. Noluerunt autem Belgæ Unionem, & cum Unione Regem: quia quantum crescebant honore illo nominis Regij; tantum sibi videbantur decrescere libertate. Et verè, quantum crescebant ab unitione, tantum decidebant, & eò amplius multò à Privilegijs plurimis, quæ vita sunt earum provinciarum; dicente Alberico Gentili, *dist. orat. fol. 52.* Ac sanè interdum non unitur vel incorporatur; verùm devoratur vel supprimitur, per talem Unionem Regnum parvum à magno. Boccalini, *cent. 2. d. Parnasso. ragg. 14. fol. mibi 93.* Hocque intuitu Lusitani, coniunctionem Regni sui, cum Castellano ægrè tulerunt, nec adhuc hodiè æquo animo ferunt. Ita putant Arragonenses, sibi nocuisse, quod fuerint Castiliæ iuncti: Boccalini 2. *d. Parnasso, ragg. 14. fol. mibi 92. & seq.* Sic pariter Norrvegiæ Regni, cū Danico conjunctionem, haut illi Regno prodesse dicunt. Ianus Minor in *retorsione Imposturatum Petri Parvi, cap. 14. fol. 113.* Et ita Boterus: Norrvegiæ populi fuerunt olim valdè potentes. Angliam diu afflixerunt. Franciam divexârunt, cuius pars insignis ab ijsdem accepit denominationem, & Nortmannia vocatur. Et idem paulò pòst: Regnum Norrvegiæ turbis exagitatam pervenit ad Danos, qui ut de illo sint securi,

securi, incolas duè tractant, eosque facultatibus spoliant, nec miseris hominibus, spes est melioris fortunæ. Iacobus item Zieglerus in Schonlandiâ: Norvvegia hoc tempore est sub potestate Danorum. Hi non legitimos modò redditus, & vectigalia tolerabilia imperant: sed omnia commoda corrodentes, in Daniam transportant; Imperij diuturnitatem in Subjectorum infirmitate constituentes. Hæc Norvvegiæ est fortuna: neque ipsa ædificia urbium, suam amplitudinem, & veterem dignitatem tueri possunt; nec spes est status reparandi. Publici enim conventus in rem non admittuntur; nemo ex arbitrio suo referre audet, aut opere tentare, incertus de omnium voluntate. Sic itidem quondam Roma, Cannensi clade percussâ, Principes Latinorum in Ordinem Senatorum voluit adoptare: ut nempè animi sociorum, ad Imperium Romanum tuendum constantiores essent: sed hoc impedit magnanimitas Manlij Torquati, qui clarâ voce denunciavit: Si quis sociorum inter Patres Cōscriptos sententiam dicere ausus esset, continuò se eum interempturum. Valer. Maxim. lib. 6. cap. 4. exempl. 1. ubi tamen vide Stephani Pighij adnotat. Et sanè si Roma cum Italiâ fuisset iuncta, hoc nomen Romanum extinxisset. Diu item noluit Nortmannia, reliquæ Galliæ iungi. Cominæ. lib. 1. cap. 13. fol. mihi 82. Nec prodest Imperatori vel Regi, alterive superiori, si eius Vasalli vel Optimates, nimis magnas habeant ditiones, aut eas possideant regiones, quæ sunt absoluti Iuris. Ita prudenter Clemeas IV. cum investiret Carolum I. de Regno Neapolitano, has condiciones adiecit; ne Lombardiam, Tusciam aut Regnum Imperiumve Romanum, coniungeret cum illo: hocque cum fecisset Carolus V. Bullâ sollemni in Comitij Francofurti, de Iure suo, priorique cōtractu, protestatus est Leo X. Pontifex Maximus. Sic cum Henricus II. Rex Anglorum, dimidiam ferè Galliarum partem, partim successione, partim matrimonialibus pactis obtinuisset, nec porò ipse, nec successores eius, Regibus Gallorum, debita servitia satis submisit exhibuerunt. Alia Exempla habet Henningus Arnisaus, relect. politic. lib. 2. cap. 2. fol. 247. Et porò aliud Vnio, aliud deditio est. Quamvis namque in dedititios, mitius semper consuli videatur, quàm in bello captos, Michael Piccart. decad. 10. cap. 9. attamen dedititij in provinciæ rediguntur formam; aliudque est Regnum unitum; aliud, Regnum provincias habens. Sicque Philippus II. Rex Hispaniarum, qui primùm Lusitanis, æquissimâ obtulit capitula Vnionis. Conestag. lib. 4. fol. mihi 226. &c. ac item lib. 8. fol. mihi 405. & seq. Sed tamen post plenariam Lusitanæ subiugationem, cumque nullæ ampliùs belli reliquiæ superessent; Regnum illud ferè in provinciæ formam redactum, ab ipso Rege, Madridi Aulæ sedem habente, gubernatum fuit. Conestag. lib. 10. fol. 494. Tandemque

demque addo, non territoria solum, sed & fataliter, hoc est, singulari providentiâ divinâ familias Principum interdum divelli, seu uniti, interdum coire rursus: ut observat & exemplis illustrat Richter, *axiom. historiæ* 6. 73.

CAP. VI. ET ULTIMUM.

*De Extensione Territorij Violentâ: ac  
quomodo novum Regnum conserve-  
tur atque firmetur. Vbi plu-  
ra de Colonis, Ca-  
stellis &c.*

**A**mplificatio Reipublicæ, seu Territorij extensio coacta, Iure Belli fit: deditione nempe, vel expugnatione. Ius autem deditionis est; ut populus cum urbe, agro, aquâ, terminis, delubris, rebusque omnibus, in potestatem & ditionem veniat victoris: quemadmodum Formula deditionis apud Livium, *lib. 28.* ostendit, & pluribus Radulphus Fornerius illustrat. *rer. quotid. lib. 4. cap. 24.* Nos vulgò vocamus, *Ausschnad und Onagnad sich ergeben.* Interdum etiam fit deditio cum pacto, quo sibi, qui se dedunt, certi aliquid reservant. Deditionis autem memorabilia exempla recenset plura Piccartus, *diß. decad. 10. cap. 9.* Et memorabilis inprimis est illa Mediolani: cuius Cives cum multis modis, & sæpius Fridericum Barbarossam irritassent, Augustam etiam infando dehonestamenti genere violassent, extremâ & supplici deditione, jugum quod toties excusserant, ultro subiêre. Historiam Dubravius describit, *hister. Bohem. lib. 12.* & elegantissimis hisce versibus Guntherus.

*Quas postquam leges & spe leviora rebellis  
Iamdudum populus gratanter pacta recepit;  
Continuò totis effusi manibus omnes  
Procedunt: primusque suo cum Præside Clerus  
Veste sacrâ nitidus, nudo pede, supplice vultu,  
Vertice dimisso, nostra monumenta salutis  
Signa Crucis præfert. Post hinc invellere pullo  
Infausti cives, vestigia nuda prementes,  
Induciumque sui pariter, pœnamque reatus*

G

Admores



*Admotos nudis portant cervicibus enses.*

*Et primi illorum prostrati corpore toto*

*Cæsaris ante pedes, trepidis confusa querelis*

*Pauca gemunt, veniamque suis excessibus orant.*

*Hoc tantum, veniamque sonant, veniamque loquuntur.*

II. Veruntamen pactum deditiois, etsi vi & metu fuerit factum; non minus tamen quam voluntarium est servandum: ut contra Bartolum, aliosque magni nominis Interpretes disputat Bodinus, *lib. 5. de Republ. cap. 6. num. 594.* Sanè non hic agitur ex Edicto Prætoris: sed ex Gèntium Iure. In caussis privatorum, contra bonos mores & Civilem societatem est si privatus privatum cogat: verum ut dolus, sic vis vel metus, iustus est ferè in publicis caussis: isque ex Iure Gentium prodest, nec prohibitus reputatur. Hocque in nostro casu, coacta Voluntas, secundum quid, pro liberâ habetur: quia hoc se modo dedere malunt, quam extrema expectare. Et quis est qui nesciat, pacis conditiones, ferè semper invitis dari, & à victis vi atque metu accipi, ut quod dici solet, Minima de malis? Nemo tamen, aut Princeps, aut legislator exitit unquam, qui quod victori promississet exequi recusaret, quasi vi coactus id fecisset. Sed tamen & deditio, suam habere debet æquitatem: ut monui, *lib. 2. politic. num. 36. versic. 2.* Res verdè expugnata, Martis iuri absolute cedunt: indeque iustissimæ fiunt, rerum bello iusto adquisitionum possessiones: quæ neque repeti unquam ex eadem causâ possunt. Dionys. Halicarnas *lib. 3. antiquitat. Romanar.* Ideoque quod iusto acquiritur bello, iniuste repetitur.

III. Nuper partum Regnum tueri quàm acquirere, multò difficilius est. Ioh. d. Matrinx, *lib. 4. resolut. 4.* Dubiumque nullum videtur; quin minoris industriæ, & laboris sit, acquirere Regnum, quàm partum in suo statu conservare. Richter. *axiom. historic. 216.* Etenim exiguæ sæpè vires, ubi hostes incautos & imprudentes nactæ sunt, etiam prævalida Imperia circumvenire possunt. Sicque Alexandri Magni Principatus, penè defluxit priùs, quàm ab eo fuerit partus. Et nobilis est de Pyrrho Rege fama, semper illum parandis, quàm retinendis Regnis exitisse meliorem. Indeque apud Traianum Boccalini, *cent. 1. ragg. 35. fol. mihi 149. & seq.* non ad Parnassi felicitatem admittis fuit Tamerlanes: ed quòd nova fuerit molitus, nisi prioribus firmatis; quodque longis itineribus percurssârit, quæ nequibat obtinere. Et sane Imperium novum, nec benè constitutum, prudentèrve gubernatum; ei qui id acquirit, grave potius est, quàm ut potentiorẽ eundem reddat. Francisc.

cise Guicciardin. *hiflor. lib. 4.* Verùm subtilis est Difputatio, de ratione adminiftrandi Regnum novum. Suntque & hic, arcana & flagitia dominationis in ufu: ut ego iam monui, *lib. 2. politic. cap. 5. num. 12.* Ac fi quis Princeps, occupet aliquam urbem aut regionem; ei Reipublicæ formam planè novam inftituendam eſſe, tradit Nicolaus Machiavellus, *i. comment. ar. cap. 26.* Sicut ipſe Princeps novus eſt, ita in ſuo Principatu omnia innovet: novos Magiſtratus, novis nominibus inſignitos creet, ad eosque eligat homines novos; bona hominum opulentorum, pauperibus diſtribuat, eosque ditet. Eidem huic, ut dicto loco cenſer Machiavellus, novæ urbes condendæ, antiquæ diruendæ, habitatores de uno loco in alium transportandi, adeoque ita omnia transferenda erunt; ut neque opes, neque honores, quiſquam in eà provinciâ poſſideat, qui non cogatur conſiteri, ſe illa ab ipſo Principe novo obtinere. Crudelem eſſe hancce dominandi rationem, fatetur ipſe Machiavellus; & non modò Chriſtianæ, ſed humanæ quoque vitæ adverſam: quam ob rē ab omnibus fugiendam, ac longè magis præferendam privatam vitam, quàm ut cum tanto hominum diſpendio atque calamitate regnare velit. Non tamen aliâ ratione Imperium conſervari poſſe. Aemulam alicuius Imperio urbem, ubi capta eſt, dirui rectiùs, quàm ut ſuperſtes relinquatur, placet Richtero. *axiom. hiflor. 123.* Ac ita Romani, Albam æmulâ Imperij ſui, funditus diruendam cenſuerunt. Libertatem qui quædam ex parte minuant, acriùs ſtimulant, quàm qui adimunt proſus. Haut quippè ſperandum eſt, in obſequio populum retineri poſſe; aut qui ſemper antea liber fuit, niſi exarmatâ civitate, Richter. *axiom. Occonom. 174.* Hincque (referente Livio, *lib. 8.*) Romanis vetuſtus mos fuit, cum quo nec fœdere, nec æquis legibus amicitia jungerentur, nò priùs Imperio in eum, tanquàm pacatum uti, quàm omnia Divina, humanaque dedidiſſet, obſides accepti, arma adempta, præſidia urbibus impoſita forent. Ita Guilielmus Nortmanniæ Dux, Angliæ conquerſor, commilitonibus terras Anglorum, poſſeſſionesque affluentiori contulit manuz illudque parvum quod remanſerat, ſub iugo poſuit perpetuæ ſervitutis. Ex quo circa Nortmannorum adventum, præter ipſum Regem, nò fuit in Angliis, qui allodij ut loquuntur iure, poſſederit fundum. Minimè etiam apud Scriptores rarum eſt, illum quali putam putam novam undiquaque Legum induxiſſe faciem commiſci: & fanxit etiam non paucas. Anglorum item iſdiodia in tantum abhorrebat, quod Leges terræ, Statutaque Anglicorum Regum, Galliçâ Lingua tractarentur, forenſia item negocia Galliçè diſceperentur. Janus Selden, *lib. 2. lavi Anglorum, per Diſcurs. & præſertim lib. 8. ac 7.* Hoc idem Dani ante, in eadem Angliâ fecerunt; & ita Sueci ea rē, præſertim, conjunctione

nem Danici & Suecici Imperij inpediverunt. jugum enim tale imponi ſibi noluerunt Sueci, non planè debellati. Olaus Magnus, *hiſtor. ſepprentrion. lib. 8. cap. 38.* At in Regno ſervituti aſſueto, ita conimodè conſervatur Imperium nuper partum; ſi maiorem ſibi concilient favorem occupatores, quàm veteres Domini habuerunt. Nec ullum mel, ſaccharumve ullum tam dulce eſt ori puerorum; quàm auribus Domini Gruteri allubeſcit Theodorici apophthegma: Aliorum fortè Regum prælia, captivum Civitatum aut prædas adpetunt, aut ruinas nobis propoſitum eſt, Deo juvante, ſic vincere, ut ſubieci ſe doleant noſtrum dominium tardiùs acquiſiſſe, *vid. part. 2. Diſcurſ. ad Tacit. fol. 64.* Non corpora ſolùm, ſed & animi devictorum, in noſtram poteſtatem ſunt redigendi: *at, No he viſto con arrogancia conquiſtar los coracones;* non arrogantia animos aliorum capit, *Ey çaguitre, d. conceptos morales, num. 558.* quod tamen benevolentia & humanitas facit. Novum Imperium inchoantibus, utilis eſt clementiæ fama. Tacit, *hiſtor. 4.* Et Lucanus, *lib. 8.*

————— *Mitiſſima ſors eſt,  
Regnorum ſub Rege novo.*

Utque novi populi novis aſſueſcant, & noſtrum jugum patiantur, oneribus, & tributis ſunt levandi. Tacit. *Annal. lib. 2. ego Aerar. cap. 4. n. 12. verſ. 3.* Hocque ſecutus conſilium fuit Cyrus; qui immunitatis & à ſervitute liberationis ſpe, contra Medos Perſas concitavit. Juſtin. *lib. 1.* Et Alexander iniens Regnum, immunitatem cunctarum rerum, præter militiæ vacationem dedit. Curt. *lib. 2. Addatur Marnix, lib. 4. reſol. 4. qui idem reſolut. ſeq. tradit, novum Principem, in novo Principatu, nil magis, quàm innovationem vitare debere.* Et huius etiam ſenſus eſſe debent illi, qui novo Principatui ut gubernatores loco præficiuntur, quod monet Cominæus, *lib. 5. cap. 1. fol. mihi 364.* Idque capio de eo, qui iure ſucceſſionis ad Regnum ſuccedit, vel qui Regnum à veteri Domino ſervitute preſſum acquirit. Artem autem noviter acquiſitum Imperium conſervandi ignorans, Eduardus I. Angliæ Rex, quinque vicibus Scotiam totam devicit, totidemque perdidit. Froiſſart *lib. 1. cap. 27.* Galli item idonei non cenſentur ad provincias, bello quæ partæ fuerunt, conſervandas. Dn. D. Lanſius, *in Oratione contra Galliam, fol. mihi 283.* Idque Sicilia utraque, Brabantia, & loca adhuc alia fecere teſtatum. Carolus præſertim VIII. facili operâ, Regnum Neapolitanum acquiſivit, & ab initio Galli grati omnibus erant; ſed avaritiâ & libidine, mox odio omnium ſe expoſuerunt, & omnia quæ acquiſiverant ibi, amiſerunt. Cominæus, *lib. 7. cap. 6. fol. mihi 633. & ſeqq.* Et in quo peccaverit item Carolus VIII. Rex Galliarum, poſt Regnum Neapolitanum occupa-

tum;

tum; idem Cominæus, pluribus deducit, *diff. lib. 7. cap. 14. & lib. 8. cap. 13. fol. 673. & fol. 800.* contemptus nempe hostis, & alia, quæ ibi legi possunt; ac ferè defectus eos omnes incurrerunt, qui nuper non diu Bohemiæ Regnum usurpârunt. Addatur Machiavelli Princeps: *cap. 3.* qui eisdem Gallorum errores describit: & inter alia ita inquit: Imperia cùm comparantur in provinciâ, quæ linguâ, moribus institutis discrepat; præcipuum illud & vividioris remedij est, ut is qui ea est adeptus, suâ præsentia, & domicilio fulciat. Quemadmodum Turca in Græciâ censuit faciendum; qui omnibus legibus ad illud Imperium retinendum servatis; non potuisset tamen illud conservare, nisi eò commigrandum, atque ibi habitandum constituisset. Et post idem: Animadvertendum est, homines aut blanditijs deliniendos esse, aut prorsus extinguendos.

IV. Ex populi Incremento, ac eius otiosâ ac inquietâ turbâ *Colonia* deducuntur, optimæque acquisitæ firmantur: & in eo concurrunt externû incrementû cum interno, unumque alteri suffragatur. Necessariû enim est, ut in unum aut alterum locum adeptæ ditionis, veluti claves *Coloniæ* mittantur; vel ut multû tûm Equitum, tûm peditum ibi alatur. At verò in *Colonijs* non multû impendit Princeps, & nullo aut exiguo eos sumptu deducit, ac retinet: eos autem duntaxat offendit, à quibus agros aufert & domos, novis *Colonis* assignandas, quique ad totius ditionis rationem, minima pars cùm censeantur, etiam dispersi & rerum egenætes dimissi, nocere haut possunt. Machiavellus in *Principe, diff. cap. 3.* qui idem *hisor. Florent. lib. 2. à principio.* Inter magnas & admirandas rationes, præscarum illarum *Rerumpublicarum*, & *Imperiorum* conservandorum, quæ hoc seculo interierunt; non immeritò nominatur *Itudium*, quod in exstruendis novis *Civitatibus* atque *Colonijs* frequenti in usu fuit: & quæ ibi eam in rem plura habentur. Lipsius, *lib. 2. de Constantiâ, cap. 28.* *Colonijs* nil ad vim Imperij firmitus; nil vicissim in subditos cogitari tristius posse. Vnde Vergilius in *Elog.* ait:

*Quod nunquam veriti sumus, ut possessor agelli,*

*Disceret hac mea sunt, Veteres migrate Coloni.*

Sunt autem *Coloniæ* cætus hominum, qui ex publico civitatis suæ consensu, in locum certum sunt missi, eodem jure viventes. Itaque solebant *Coloni* effingere patriæ Simulachra, & eas plerunque nomine, Urbem, fluvios, ac montes afficere nominibus iisdem; quod & Vergilius docet:

*Effigiem Xanthi Troiamque videtis*

*Quam vestra fecere manus.*

Vnde etiam videtur natum, ut Corinthij exegerint à Corcyrensi-

bus, ut Coloniae in publicis sollemnitatibus, legitimos ac debitos honores redderent conditoribus suis. Quod tamen Corcyrenses ita interpretabantur, ut Colonia omnis, suam Metropolin honore prosequatur, si sibi ab eâ benè fiat; sin malè, ab eâ tanquàm novercâ secedere, jus falsq; esse. At Romani non honorem solum, sed & obedientiam requirebant, in Colonosque Imperium sibi reservabant. Antè omnia verò ad defensionem Reipublicae, milites ex formulâ paratos habere semper, ac si pluribus opus esset, plures dare, ac quicquid aliud imperaret, velletque populus Romanus, enixè facere tenebantur, ita ut salus publica ex ipsis pendere videretur. Casparus Facius, *polit. Liviana, part. 2. arte. 7.* Idque ex eo liquet, cum bello Punico ex triginta Coloniais, duodecim obstinatè negarent, Consulibus esse Milites, qui legerentur, & pecuniam, quæ in Stipendium daretur, tantus pavor hominum animis eis injectus, ut magna pars, de Imperio actum esse reputaret. Ubique populus Romanus habitabat, dum Colonias in omnes provincias misit. At de Coloniais Romanis vide L' histoire de Lyon, de Guillaume Paradin, *lib. 1. c. 7.* Lipsius, *lib. admirandor. cap. 6.* Ac scribit item de Coloniais Græcorum, in *Panathenaeis*. Isocrates: exindè Græcos ditiores & copiosiores fuisse factos; magisque consensisse, tali & tantâ hominum multitudine liberatos. Barbaros extorres & profligatos, submissioribus animis; duploque maiorem fuisse Græciam, quàm initio fuerat, factam. &c. Pertinet huc, quod habetur Exodi, *cap. 23. versic. 29.* Non eiciam eos anno uno, à facie tuâ, ne terra in solitudinem redigatur, & crescant contra te bestiae: paulatim expellam eos, donec augearis. addatur Indicum, *cap. 1. versic. 28.* Achilles etiam Traduccius; in *Turcâ Vincibili, tit. quomodo bello capta, retineri & defendi debeant, fol. mibi 319. & seq.* suadet, ut Coloniae in Hungariam à Germanis deducantur.

V. Post Colonias optimus modus acquisitorum conservandorum est, institutio Timariarum. Amurathes, bello victis Principibus, non graviores imposuit pacis conditiones, quàm ut aulam suam sequerentur, & copias suas cum exercitu reliquo coniungerent. Eius filius Amurathes, ubi Bulgaros, occiso eorum Principe, domuit, alio efficacissimo remedio accrescendæ potentiae usus est, Coloniais copiosissimis ad limites Imperij collocatis; prioribus & antiquis incolis, è proprijs sedibus aliò habitatum traductis. Traduccius, *dict. tractat. fol. 207. & 232.* Paulatim indè introductæ fuerunt Timariae: quæ feudis non absimiles videntur, *arg. traditor. à David. Argentè notar. iuris, tit. de feudis, fol. mibi 217. &c.* Iohanne Niellio, *Disput. feudal. 1. thes. 1.* & Charissimo Fratrem meo, Iohanne Georgio Besoldo, in *Dissertatione de origine Feudorum.* Turcici autem Equitatus præstantia, in Spahis consiliis; qui Stipendij

pendij loco certos redditus habent, quos illi Timari vocant. Estque Timarum, pensio, vel assignatio quædam, reddituum certorum, qui ex fundis percipiuntur, bello acquiritis: qui certâ proportionem militibus distribuuntur, quorum præ cæteris magnanimitas emicuit, quique strenuam in bello operam navârunt. Etymologia est à voce *lipi* dicta, quæ significat honorem: undè de Theodoro legimus, quoddâ Licinio Augusto, arcem Heracleæ, acceperit invicem Timari. vide Lazium, Soranzium, in *Ottoman. lib. 1. cap. 15. & Thesauri Politici Compilatore, part. 1. fol. mibi: 16. relat. de Constantinopoli*. Veneti Imperium suum in Cypro ita firmare sategerunt: dum voluere, ut omnes qui ex Venetâ ditione oriundi, quinque ibi annis morarentur, nec mechanicum artificium exerceant. Privilegia Nobilium illius Regni obtinerent. Stephanus de Lusignan, *en la descript. de l' Isle de Cypre, cap. 17 fol. mibi: 78*.

VI. Coloniarum autem deducendarum ratio multiplex est: Bodinus, *Method. hisgric. c. 3. p. ult. id finem*. autem incolæ viribus hostium expulsi, sedes alias querunt, ut Trojani post urbis eversionem in Latium: Hetrusci, qui & Tusci dicti sunt, à Gallis de Italiâ dejecti, in Rhætiam colonias deduxerunt. Phocenses Tyrannide Præfecti Regis Persarum afflicti, in Celticam sedes mutârunt, ut Iustinus scribit; ac Rempublicam Massiliensem condiderunt. Chananæ, ex agro Palestino ab Hebræis ejecti, in Illyrium & Pannoniam navigârunt: ut Rabbi David Kimhi ad finem Abdiæ testatur. Deduci etiam Coloniz solent, multitudine abundante, vel propter inopiam agrorum, aut intemperiem cæli. Alij, inquit alicubi Seneca, longo errore jacti, non judicio elegerunt locum, sed lassitudine proximum occupâr ut. alij armis sibi ius in aliena terrâ fecerunt: alios excidia urbium suarum, alios domestica seditio, alios superfluentis populi frequentia, ad exonerandas vires emisit; alios pestilentia, aut frequentes terrarum hiatus, aut intoleranda soli vitia eiecerunt, alios alia causâ excivit domibus suis. Vix ullam terram invenies, quam nûc indigenæ colant. Sed hûc maxumè spectant Coloniz ex, quæ Imperij tuendi ac propagandi causâ suscipiuntur: quales fuere Romanorum, quasque Hispani in utramque Indiam deduxerunt. Nec huc referendæ populorum emigrationes, quæ olim frequentissimæ fuerunt, quasque singulari & operoso opere, Wolfgangus Lazius describit. Sanè Gothi, qui magnam Europæ, Asiæ, & Africæ partem, suo Imperio subiecerunt, ex Gothia, Suecorum haut ita magnâ provinciâ exierunt. (ita Sueci censent, vide *Leges Suecorum, lib. 2. cap. 1. Retorsionem Iani minoris, ad verbum Petrum parvum, in locis, quæ monstrat Index, in verbo, Gothorum*) Primam autem migrationem, multis ante Christum seculis fuisse factâ, Annales eorum adtestantur: & ex ijs imprimis Olaus Petri, ac Iohannes Magnus,

Magnus, *lib. 1. cap. 15.* quibus & exteri adstipulantur; Procopius, Iordanes, Kranzius &c. Mentionem item huius rei fecit Iohannes III. Rex Suecorum; cum Stephani Poloniæ Regis Legatis, responderet: Gothos suos, eadem Virtute militari, quâ olim orbem ferè totum devicerunt, adhuc præditos esse. Et itaque eam Livoniæ partem, quam iure optimo maximo, suorumque fortitudine acquisitam teneret, nullo modo cedere Polonis; sed armis defendere velle. Laurentius Müller/ In seiner *Septentrionalischen Historien/part. 1. fol. mibi 30.* Gothorum post emigrationem sedes variæ fuerunt. 1. Gothlandia. 2. Vandalia. 3. VValachia. Hungariæ. 4. Thracia. 5. Asia. 6. Italia. 7. Gallia Aquitanica. 8. Hispania: cuius Reges, & familiæ omnes, Gothicam originem adhuc hodiè jactant. Videatur VVolfgangus Lazius, *de migratione Gent. fol. mibi 577.* Tradit verò probabiliter magis Ionas Koldingensis, in sua *Dania descriptione, part. 1. fol. mibi 33. & c.* Danos, Suecos, & Nortmannos, ortu ac genere Gothos esse; ac pro unâ ea-lemque Gomeriæ radicis stirpe sine omni ambiguitate reputandos, & Gothicum primum ac principalissimum nomen, genti Boreali universæ, primis temporibus impositum esse. Ex iisdemque locis & Cimbri fuerunt profecti. Joh. Stumpf, *lib. 4. cap. 9. & lib. 6. cap. 27. der Schweizer Chronick.* Altera insignis migratio & irruptio fuit gentium Sclavonicarum, quæ Henetæ linguæ Dialectos habent. Et tertia Arabum in Regiones Orientales. Achæ aliæque gentium peregrinationes, res omnes mortalium evanidas esse docent; nosque exules & errantes, donec in hac fragili cute hospitamur: non entque ut eas tanquam fluxas & caducas despiciamus. Sed nec interim casu ex evenerunt, verum singulari providentiâ Divinâ, ad pœnam & correctionem veterum colonorum: ut subindè ingerit Salyianus. Evidentem etiam faciunt potentiam & Majestatem Divinam, quæ sibilo quasi vocat, gentes nobis ignotas. Cur autem eiusmodi hodiè transmigrationses haut in usu amplius sint, Stephanus Pasquier inquit, *lib. 1. des Recherch. cap. 3. fol. mibi 20.* illudque exindè evenire putat; quia nempe fortitudo militaris degeneravit in callidam versutiam sedentariæ quietis: putatque Galliam, quæ olim innumeram bellatorum turbam effudit; nunc totidem Scribas, Notarios, Advocatos (*chiquaneurs & gaste papiers*) suppeditare posse.

VII. Est & genus Coloniarum, aut his non absimile, in captivis abducendis, populis vè transferendis vid. Campanell. *de Monarchiâ Hispanica, cap. 11. fol. mibi 38.* & ita decem tribus Hebræorum, primum, deindè octogesimo post Anno, reliquæ in Chaldæam abductæ fuerant; & ferè in totum terrarum orbem dispersi paulatim. Cunnæus, *lib. 1. cap. 15. fol. 145. & lib. 2. cap. 23. de Republic. Hebræor.* Et mos Regibus ferme est,

est, gentes pro lubricine huc illuc transferre, pecudum in morem; quas Pastores nunc in hibernos, nunc in æstivos trajiciunt saltus. Ita enim ingenia populorum emolliuntur, mutanturque; & qui in suo solo quodlibet audent, placidi sunt, quietique in alieno. Et sic Augustus, Germanos ultra Albim fluvium summovit; ex iisque Suevos & Sicambros, dedentes se in Galliam traduxit, atque in proximis Rheno agris collocavit. Suetonius in *vita*, cap. 21. ubi non placet correctio Casauboni, qui alium pro Suevis populum substituere audeat, nil enim certius est, quam Suevos in agro circa Rhenum fuisse collocatos; eorumque posterii & nos sumus. Certè bellum, multiplices habere videtur fines: aliquandò excidio deletur, vel expellitur populus devictus (ut factum fuit Chananæis) aliquandò redigitur in servitutem (ita Franci in Galliâ, & Alemanniâ, Germani in Sclavonicis provinciis, ex habitatoribus fecerunt servos: ut dixi *libr. 1. politicor. cap. 10. ad fin.* aliquandò tributarius fit victus, & arma ei, nocèdique adimuntur vires (ut Græcis faciunt Turci) aliquandò suis Legibus vivit, Imperiumque Victoris agnoscit populus aliquis; huicque fufficiens est à suo Præfecto regi, suoque præsidio provinciam teneri (& ita Hispaniâ, Italiâ, Belgicâque imperitant Hispani) interdum etiam solum pensio datur (quemadmodum olim Regibus multis imperitarunt Romani) Ad hasque Differentias Livius respexit: easque ad duas species principales redegit; cum ait: Cum Gallis pro salute; cum Carthaginensibus pro Imperio fuisse pugnatum.

VIII. In locum Coloniarum, more quorundam *Fortalitia*, vel Militum *Præsidia* perpetua substituta fuerunt. Ita præsidij militaribus, statutisque custodibus servavit captam Idumæam David. 2. *Samuel. 8. vers. 14.* Turrium etiam custodum, mentio fit 4. *Reg. cap. 17. vers. 9.* Et sictandem, ipsi quoque Romani Imperatores, provincias suas, Custodibus (quos in Clausuris & Burgis servabant) soliti fuerunt retinere. Quorû & in l. 2. §. *Et homines 4. C. de offic. præfect. prætor. Afric.* mentio fit. Adde Bernardo Aldrete, lib. 4. d. *varias antiquidades, cap. 27.* Ac ita totus olim Rheni tractus talia Castella & Burgos habebat. Nam sic Ammianus Marcellinus lib. 28. fol. mibi 392. scribit: Valentinianus Rhenum omnem, à Rhetiarum exordio, ad usque fretalem Oceanum, magnis molibus communiebat, castra extollens altius, & castella, turresque assiduas per habiles locos, & opportunos, quâ Galliarum extenditur longitudo: nonnunquâ etiam ultra flumen ædificijs positis, subradens Barbaros fines. Mentionem etiam ibidem facit, munimenti celsi & turti, quod ipse Valentinianus à primis auspicijs fundarat, præter labente flumine Nicro. Memorat item Clarissimus Freherus, ad *Aufonij Mosellam num. 330.* altas easque rotundas turres, passim ad Rhenum, & ad Mosellam, in supercilijs mō-

H tium



tium apparere, operis firmissimi, & utique à Romano illo *exvo*. Et addit: ijs posteriorem a tatem, plura ædificia & propugnacula, circumdeditse. Easque observare licere, in Mosellæ tractu, in plurimis castris, ac ad Rhenum in Germanicâ etiam ripâ. Hunnorum item tergo. Hocque pariter turrium genus, etiam in Gallicâ Franciâ, vetustissima Castellâ habere: quod quia ipsius Domini refugium atque receptaculum esset, *Donjon* quasi Dominicum, vocare solent. Ac Franci, pariter ut Romani, Bello partas provincias, Burgis conservârunt, eaque Nobilibus dederunt; quibus insuper servirent devicti, & rustici in viciniâ habitantes. Ita ut tam ex Romanorum, quàm Francorum quoque Burgis, etiam in Germaniâ reliqua esse censeam, vetustissimarum castrorum, passim quæ obvia rudera sunt; multa tantùm nomine nota, soloque æquata, multa sunt quorum etiam nomen ignoratur. Fuerunt etenim illa castella, vel ob loci incommoditatem, bellicque mutatam rationem, spontè derelicta; vel quia post latronum receptacula fuerant facta, à Magnatibus destructa, & incensa. Guntherus in *Ligurin. lib. 5. vers. 213. &c.*

*Adde quod in viâs discurrunt undique Caesar,  
Prædonum castella, jugis horrentia summu,  
Et vix spectandas celsis in rupibus arces,  
Expugnare manu, sparsisque evertere muris,  
Vrere vel flammæ avidè properabas: & ipsos  
Artifices scelerum, Regni turbare quietem,  
Et miseros crebris solitos spoliare rapinis,  
Vel cruce, vel gladio, vel longo carceris usu  
Perdere gaudebat, non exorabilis ultor.*

Similiumque vastationum, ubique Germanica Historia suppeditat Exempla.

IX. At verò medijs hisce Citadellis, & præsidio militari perpetuo; fructum Coloniarum, rectissimè Bodinus. *lib. 6. de Republ. cap. 2. num. 644. &c.* quàm longissimè præfert: adde Renatum de Lusinga, *lib. 1. de Increment. Imperior. cap. 3. & Thesauri politici, part. 2. cap. 7.* Compilato rem (qui pleraque ex Lusingano transcripsit) Et pariter contra Citadellas, prolixè disputat Auctor du Miroir François, *lib. 2. dial. 2. fol. mibi 591. & seqq.* Sanè Colonia à Citadellis & militaribus præsidijs, tantum distant, quantum à Naturâ, Vis. Hodie ferè Principes (ait *disso loco* Bodinus) victis urbibus, præsidia perpetua imponunt, quo nil intolerabilius est: quia nempè tantum abest, ut victi vincentium Imperijs assuescere condiscant, ut non prius à novandis rebus conquiescant, quàm aut præsidia interemerint, aut arces ceperint, aut Principes finitimos ac populos accersierint ad bellum. Si Reges Gallorum, Insubria capta, Colo-

nias ed misissent (ut quondam Celtarum Reges fecisse dicuntur) ea non tam facile à Francorum ditione ac potestate defecisset. Nec verò Hispani (censente Bodino) praesidijs militaribus, nullà Colonià deducti, perpetuum eius Regionis Imperium tuebuntur: ac Belgas jam pridem Colonijs Hispanorum, ad Imperium retinendum conjungi necesse fuisset. Undè & Campanella, varios praescribit modos, quomodò omnes Hispaniarum Regis ditiones, naturali ratione conjungi, & indivi duo quasi nexu misceri queant. Ex Coloniis quidem duæ consequentiæ admodum periculose promanant. Prior ipsum Principem concernit, qui verorum & naturalium possessorum, quos agris & fundis, bonisque alijs spoliavit, eaque inter suos milites & colonos divisit, offensionem, immortaleque odium incurrit. Altera incommoditas, quam qui in coloniis nimium fiducia ponunt, experiuntur; novos respicit colonos. hi enim temporis succellu; provinciæ, in quam deducti fuerunt, & climati, sub quo vivunt, moribusque cohabitatorum, ingenio & complexioni ita alluescunt; ut non minori desiderio ac studio, adquirendæ libertatis, quàm priores incolæ, in quorum locum illi successerunt, flagrent. Id quod faciunt praesertim coloniæ illæ, quæ longius à sua origine distant. Attamè Lusitani, ne in Indiæ regionibus conservandis, inconvenientia similia paterentur; alium coloniarum deducendarum modum, & multò securiorem, minúsque iniquum excogitarunt; dum nempè novos colonos, non unà vice, nec agmine immenso, sed paulatim itineribus diversis, in provincias recens inventas deduxerunt. Nec integras provincias novis colonis impleverunt; sed prout commodè in regione parta vivere poterant, paucos vel multos ed collocarunt: cumque necessarium videbatur, prioribus alios addiderunt; atque hac ratione, Colonias paulatim iusta hominum multitudine compleverunt. Goa omnium populosissima fertur, cuius incolæ affinitatis vinculo dudum coaluere: illorum enim filias in matrimonium duxerunt, illisque suas vicissim elocarunt, ac hoc modo in unam quasi gentem coiverunt. Undè factum, ut nunc quietam & tranquillam invicem vitam degant. Hacque ratione, sensim, ut vix adpareat, Lusitanorum in illis provinciis multitudo augetur, & populus ad nomen & Imperium Lusitanicum promovendum, amplificandumque, semper promptissimus existit; & singulis annis, numerus colonorum confirmatur, atque augetur. Et has Coloniarum formas, multò securiores & tolerabiliore esse, quàm veterum coloniæ fuerunt; tempus, & quotidiana experientia testatum fecit: siquidem per illas antiqui habitatores suis possessionibus nequaquam expelluntur, sed in ijs conservantur; & ut suis facultatibus frui tranquillius queant, ab omni vi & injuriâ defenduntur. Accedit etiam vinculum adfini-

tatis, ac consanguinitatis, quo incolæ veteres, cum colonis novis, animi affectu sincero, mutuaque benevolentia, uniuntur & consociantur. Romani sub finem Imperij sui, præsidarios milites habebant, quibus non solum parta tuebantur adversus hostes, sed & seditiones prohibebant. Verum eorum insolentia, non infimum tenet locum inter causas perditionis Imperij illius. Aldrete. *di. l. lib. 4. cap. 28.* Audiamus Procopium, *lib. 3. de bell. Gothi.* Romani exercitus Principes, & simul milites ipsi, res subditorum diripere, contumeliis & sceleribus nil reliquum facere, adamasque habere in præsidia fœminas, luxui ac temulentia operam dare. Italicis universis relinquebatur, ut ab utroque exercitu (hostili scilicet & Romano) gravissima paterentur: nam & agris ab hostibus privabantur, & suppellectili omni, ab Imperatoris, ut dominantis, militibus. Adhuc accedebat, quod cum rerum necessarium inopia premerentur, ut vapulare impune hi possent, & planè deperdi: nam & Romanos milites ipsos, cum suos ab hoste tueri nequirent, ne suorum quidem fœdè factorum pudat; sed pro eorum sceleribus effecere, ut Itali Barbarorum desiderio tenerentur. Item scribit Salvianus, *lib. 4.* Interea, inquit, vastantur pauperes, vidua gemunt, orphani proculcatur in tantum, ut multi eorum, & non obscuris natalibus editi, & liberaliter instituti, ad hostes fugiant, ne persecutionis publicæ afflictione moriantur: quærentes scilicet apud Barbaros Romanam humanitatem, quia apud Romanos Barbaram inhumanitatem ferre non possunt.

X. Inprimis item prodest ad Imperij novi confirmationem; per provincias devictas propagatio Linguae, Morum, Legumque, quibus utitur victor, & est sanè de iure Victoris, mutare Linguam, imponereque suam. Louys Guyon *tom. 1. de divers. leçons lib. 2. cap. 2.* Et Valerius Maximus, *lib. 2. cap. 1.* testatur, Magistratus Romanorum operam dedisse, ut lingua eorum dissunderetur: & Græcis non permillum fuisse agere cum Romanis, ne in Græciâ & Asiâ, nisi Latinè. Prudenter hæc de re Beatus Rhenanus, *rer. Germanic. lib. 2. ad fin. fol. mibi 210.* O miram, inquit, Romanorum dexteritatem, & indicibilem felicitatem! Et non miretur quis, eripi non potuisse Romanis provincias, quæ non minus Romanæ erant, quàm ipsa Roma. Et idem namque Rhenanus, *lib. eod. fol. 207.* ubi de Provinciariâ Lingua tractat: Transdanubianæ, ait, provinciae, Rhetia prima & secunda, atque Cisthenanæ provinciae, Rhetia prima pars, pars Maxima Sequanorum, Germania prima atque secunda, postquam à Romanis sunt subactæ, sermonem Romanum omnes acceperunt. Vide Iustuni Liplium, *de pronunciat. Latina Linguae. cap. 3.* Guilelmi Perkinii, *in emendato Catholico mo. fol. mibi 327. & seq.* Isaacii Pontanura *Origin. Francic. lib. 6. cap. 24. fol. 599.* Me in Dissertatione, de Linguarum

gnarum mutatione, num. 18. Velleius; qui vixit Tiberio imperante. In omnibus, inquit, Pannonijs. non disciplinæ tantummodo, sed Lingue quoque notitia Romanæ, plerisque etiam litterarum usûs, & familiaris exercitatio erat. Gallis certe communiter notum erat idioma Latinum, In Concilio Turonensi, cap. 17. Anno Christi 770. jubentur hominæ verti in rusticam Romanam Linguam, aut Theotiscam (quam Franci Galliæ intulerunt, & quæ in civitatibus, apud Nobilesque frequens erat) quod facilius cuncti intelligere possint, quæ dicuntur, vide Estienne Pasquier, lib. 7. des recherches, cap. 1. Quâ & occasione de Gallis agens Strabo Augusti iam ævo: negat dicendos eos ultra Barbaros; utpotè mutatos in Romanum morem, & linguâ & vitâ, quosdam & civili gubernatione. Abiisse etiam in mores & civilitatem Romanorum, Linguamque Latinam accepere Lusitani, cæterique Hispani. Aldrete, lib. 1. cap. 11. & seq. ubi multa de hocce Romanorum instituto. Sicque Strabo, Turdetani, maxumè qui ad Batin sunt, planè Romanos mores assumpserunt: ne sermonis quidem vernaculi memores, ac plerique facti sunt Latini; & colonos acceperunt Romanos. Fuit & in Africâ, Latina Lingua, vulgo quoque admodum frequens. Aldrete lib. 3. cap. 26. Rectè itaque beatus Augustinus, lib. 19. de civitate Dei, cap. 7. Data est opera, ut civitas imperiosa, non solum jugum, verum etiam linguam suam, domicis gentibus per speciem societatis imponeret. Quod Plinius lib. 7. cap. 5. beneficiam interpretatur, in laudibus Italiæ ita loquens: populorum discordes, ferasque linguas, sermonis commercio contraxit ad colloquia, & humanitatem homini dedit. Et sanè adeò frequens in Galliâ & Hispaniâ, Latina fuit lingua, ut frequentissimæ Barbarorum illas in provincias excursions, corrumpere, non abolere illam potuerint prorsus, Et nempè absonus planè est Leonhardus Aretinus, qui Epistolar. libr. 6. fol. 273. vulgus, & litteratus (etiam Ciceronis, seculo) Romæ, haur idiomate eodem fuisse loquutos censet: quamvis Dialectu Rusticorum, aliam fuisse lubens concedam; ut probat, quod ex Varrone refert idem Aretinus. Quodd nempè rustici pro villâ, vella dicunt, & pro vectura quoque vellatura: ac pertinet huc, quod Livio Patavinitas, nescio quâ, fuerit objecta. Sanè Gallicâ olim usâ fuit Germanicâ linguâ: potissimum in Celtis: ut vel invito Rhenano, fol. mihi 210. probant: Egid. Schudij in descript. Rhat. cap. 38. Isaac Pontanus, in Itinerar. Gall. Narboneins. & lib. 6. orig. cap. ult. fol. 608. & c. Ego, de Linguar. mutar. num. 21. Et testantur hoc, quæ passim habent Historici veteres Celtica verba. Alpes, Ambactus, Bodinc, Bodincus, Brogæ, Bulgæ, Celtæ, Dunum, Eporedicus, Galban, & Magim, Marcha, Marga, Rheda, Soldurius, Vesius, Uri, &c. Addatur Cluverius, German. lib. 1. cap. 5. & seqq. aliquot. Guilhelm. Paradin. tract. de antiq.

*Stat. Burgund. cap. 15.* Cambidenus, in *Britan. à princip.* Lingua hæc magnam partem cessit Latinæ, & ea Barbarorum incursione corrupta, in illam, quæ nunc in Italiâ, Galliâ & Hispaniâ viget, commutata fuit. *Qua de re pluribus ago in diſt. Diſſertat. de linguar. mutat. per Diſcurs.*

XI. Alij, nil amplificandæ Reipublicæ consultius esse autumant; quam bello acquisitas possessiones ac nationes, in provinciæ formam redactas, erigere in Ducatus, Marchionatus, aliosque Principatus & Comitatus; ex militibusque nobiles facere, ac ijs assignare certa castella. Quâ ratione, illustri fidelitate, illustrius Imperium effici solet: quem morè Franci, Carolus item Magnus, & etiam Imperatores adprobârunt Germani. Herman. Kitchner. *de Republ. Diſputat. 16. theſ. 3. lit. a. & Diſputat. 17. theſ. vlt.* Eamque consultiorem, tum propagationi, tum conservationi judicaverunt; quam priorem Orientalis Imperij rationem, per Præsides & Prætores precarios, gubernationis administrandæ. Vulteijs, *lib. 1. de feud. cap. 1.* Reinking, *lib. 1. class. 4. cap. 16. num. 13. & seqq.* Feuda item stabiliunt Imperia, ac conservant noviter parta. Eaque Longobardorum moribus genita, & introducuntur (videatur *Diſſertatio Fratris mei Iohannis Georgij Besoldi, de origine Feudorum*) utilitate & præstantiâ, omnibus ferè Regnis & populis sese insinuârunt, & quasi ultro suscepta & evocata, magno omnium favore dominari ceperunt. Paulus verò Badius, *lib. 1. de Republ. cap. 12. in fin.* hæc in parte ita distinguit: ut quidem prædia & arces in Feudum conferri utile ducat; quò sint qui exigente occasione, militent sumptibus suis: Regiones verò integræ conferantur parum tutè. Idque Imperatorem Turcarum pro more habere, eaque re munimen sibi Imperij firmissimum esse reputare. Ast maxumè, hæc in re, ad hypothesin, seu materiam subiectam, variasque circumstantias est respiciendum: nec in thesi aliquid statui potest. Et pariter non hûc meretur referri, modus ille; quem nonnulli usurpant: occidere nempe & pellere veteres colonos, ut postea vacuæ regioni dominari possint. *Pietra del Parag. d. Boccacini, cap. 10. fol. mibi. 38.*

XII. Sed quid si Feudum ad Imperium revertatur, quomodo id alteri concedi potest? Sunt sanè qui negant, Imperatorem, sine Procerum assensu, de membris Imperii insignioribus, in calum etiam caducitatis, aliquid disponere posse. vid. Rosenthal. *de feud. cap. 10. conclus. 11.* & Betsium, *tract. de pact. illustr. fam. fol. mibi 552.* Undè subverentur nonnulli, ut Ius, quod Serenissimi Saxonie Duces, in Clivia, & Iuliacensi Ducatu, prætendunt; in concertatione acutiori defendi queat. Verùm infirmioris momenti hæc ratio est, & habet multos, maxumque auctoritatis contradictores. Magis urget, quod aiunt, Iuliacensem, Bergen-